

四庫全書

子部

欽定四庫全書

子部

山海經廣注卷

六至十

詳校官侍郎

臣謝墉

侍讀

臣孫球覆勘

總校官知縣

臣繆琪

校對官編修

臣陳昌齊

騰錄監生

臣張丹崑

欽定四庫全書

山海經廣注卷六

仁和吳任臣注

海外南經

地之所載六合之間

郭曰四方上下為六合也

四海之內照之以日

月經之以星辰紀之以四時要之以太歲神靈所生其

物異形或夭或壽唯聖人能通其道

郭曰言自非窮理盡性者則不能原

極其情變

海外自西南陬至東南陬者

郭曰陬猶隅也音騶

結匈國在其西南其為人結匈

郭曰臆前肢出如人結喉也任臣案淮南子

海外三十六國自西南至東南方有結匈民羽民博物志云結匈國有滅蒙鳥江淹遂古篇結匈反舌南

山在其東南自此山來蟲為蛇蛇號為魚

郭曰以蟲為蛇以蛇為魚

任臣案楊氏補注今嶺南呼蛇為訛或為茅蟬圖贊曰賤無定貢貴無常珍物不自物自物由人萬事皆然

豈伊蛇鱗一曰南山在結匈東南比翼鳥在其東其為鳥青

赤郭曰似鳧兩鳥比翼

任臣案即蠻蠻也

一曰在南山東

羽民國在其東南其為人長頭身生羽

郭曰能飛不能遠卵生畫似仙

人也任臣案博物志羽民國民有翼飛不遠多鸞鳥  
民食其卵去九疑四萬三千里異林云羽民長頰鳥喙  
赤目白首身有羽毛不能遠飛事物紺珠云羽民國在  
海東南崖巖間長頰鳥喙身生羽毛似人而卵生淮南  
原道訓曰理三苗朝羽民注云南方羽國之民金樓子  
云舜時羽民獻火浣布顧氏說畧曰舜時瑞事尤多羽  
民等獻黃布火浣之類楚辭仍羽人于丹邱兮王逸注  
即羽人國也高叔嗣詩宅並羽人邱孫綽賦仍羽人于  
丹邱尋不死之福庭江淹遂古篇跂踵交脰與羽人兮  
圖贊曰鳥喙長頰羽生則卵矯翼而翔龍飛不遠人維  
僕屬何一曰在比翼鳥東南其為人長頰郭曰啟筮曰  
狀之反  
喙赤目有神人二八連臂為帝司夜於此野郭曰晝隱  
而白首  
臣案淮南子有神人連臂為帝候夜注云連臂大呼夜  
行圖贊曰羽民之東有神司夜二八連臂自相鷄駕晝

隱宵出詭時淪化楊慎補注云南中蠻方或在羽民東有之夜行逢之土人謂之夜遊神亦不怪也

其為人小頰赤眉

郭曰當脾上正赤色

盡十六人

郭曰疑此後人所增益語耳

畢方鳥在其東青水西其為鳥人面一脚

仕臣案抱朴子云枯灌化

形山夔前跟石脩九首畢方人面即斯鳥也又韓子載師曠曰黃帝合鬼神于泰山之上駕象車而六蛟龍畢方並轄淮南子云水出罔象木生畢方意林曰木精畢方火精遊光廣雅曰土神謂之貍羊木神謂之畢方揚雄蜀都賦獸則猶穀畢方疑非此劉會孟曰佛國鳥頻伽亦人面羽山之北有善鳴之禽亦人面鳥喙一足名曰青鸛其聲似鐘磬笙竽又鸛鳥鶩一曰在二八神東鳥索邈危簇皆人面禽也與此類

謹頭國在其南其為人人面有翼鳥喙方捕魚

郭曰謹堯堯臣

有罪自投南海而死帝憐之使其子居南海而祠之畫亦似仙人也任臣案神異經曰驩兜氏鳥足仗翼而行食魚不畏風雨有所觸死乃已博物志曰驩兜國其民盡是仙人帝堯司徒驩兜民常捕海島中人面鳥口去南國萬六千里呂氏春秋云縛婁之陽禺驩兜之國多無君圖贊曰謹國鳥喙行則仗羽潛于海濱維食紀拒實維嘉穀一曰在畢方東或曰謹朱國所謂濡黍

厭火國在其國南獸身黑色生火出其口中

郭曰言能吐火畫似

獼猴而黑色也任臣案博物志曰厭光國民光出口中事物紺珠云厭光民形如猿猴光出口中又云厭虎獸似獼猴黑身口出火即此也本草集解曰南方有厭火之民食火之獸注云國近黑崑崙人能食火炭食火獸名禍斗也圖贊曰有人獸體厭狀怪謫吐納炎精火隨氣烈推之無奇理有不熟又大秦國俗多奇幻口中

出火漢安帝永寧元年復有揮國來朝獻樂及幻  
人能變化吐火此魚龍曼行之術非自然者也  
一曰

### 在謹朱東

三株樹在厭火北生赤水上其為樹如栢葉皆為珠任臣

案三株通作三珠淮南子云三珠樹在其東北方博物  
志云三珠樹生赤水之上吳淑事類賦見三珠于赤水  
植五柞於漢宮圖贊曰三珠所生赤水之際翹葉栢疎  
美壯若彗濯彩丹波自相霞映陶潛讀山海經詩粲粲  
三珠樹寄生赤水陰亭亭凌風桂八榦共成林吳筠詩  
安得崑崙山偃蹇三珠樹楮裡詩誰謂重三珠終焉競  
八桂張九齡詩側見雙翠鳥巢在三珠樹李白詩蒼蒼  
三珠樹王世貞詩赤水三珠樹高士廉集序獲十城之  
珍寧三珠之樹又唐人號王勣兄弟為三珠樹皆本此  
留青日札云嶺南珠子樹其珠生蚌中蚌生于樹上綴



着不解而樹乃生海中石蟹戶鮫人往往汨水中鑿石得樹蓋亦珊瑚琅玕樹之類比三珠樹較奇也王崇慶釋義曰皆為珠謂其葉生一曰其為樹若彗郭曰如珠非真有所謂珠也彗星狀

三苗國在赤水東任臣案淮南子海外三十六國有三苗民路史作三饒其為人

相隨郭曰昔堯以天下讓舜三苗之君非之帝殺之有苗之民叛入南海為三苗國任臣案劉會孟云

猶陸渾之族遷于伊州尚曰陸渾一曰三毛國

載國在其東郭曰音秩亦音替任臣案國名記云經有巫人載民載民盼姓帝俊後廣韻有載

國即此也其為人黃能操弓射蛇郭曰大荒經云此國自然有五穀衣服一曰

載國在三毛東任臣案圖贊曰不蠶不絲不稼不穡百獸率俛羣鳥拊翼是號載民自然衣食

貫匈國在其東其為人匈有窾

郭曰尸子曰四夷之民有貫匈者有深目者有

長股者黃帝之德嘗致之異物志曰穿匈之國去其衣則無自然者蓋似效此貫匈人也任臣案河圖玉版

曰防風之二臣以刃自貫其心而死禹哀之乃拔其刃療以不死之草是為穿匈民然金樓子云帝舜九載貫

匈民獻珠鰕竹書黃帝五十九年貫匈氏來賓前此已有其國矣墨子蠶之類八穿匈在其中羸蟲錄云穿匈

國在威海東駱賓王露布反衝穿匈之域襲一曰在載官帝以來王奇肱儋耳之民奉正朔而請吏

國東

交脰國在其東其為人交脰

郭曰言脚脰曲戾相交所謂雕題交趾者也或作頸

其為人交頸而行也任臣案淮南子作交股今名交趾東漢書男女同川而浴故曰交趾禮三朝記云北發

渠捷南撫交趾范氏桂海虞衡志安南有播流山環數  
百里皆如鐵圍不可攀躋中有土國惟一竅可入而常  
自室之人物詭怪不與外人通疑此即古交趾地若今  
之交趾其人百骸與華無異又李氏筆記云交趾人足  
趾皆重起又張鏡心馭交記引經一曰在穿勾東任臣  
曰交趾其人交脰與本文畧異

物志云交趾民在穿胃東沈佺期  
渡海詩嘗聞交趾郡南與貫勾連

不死民在其東

任臣案楚辭何所不死長人何守淮南  
子海外三十六國有不死民又云飲氣

之民不死之野即此也江淹遂其為人黑色壽不死郭  
古篇云不死之國皆何因兮

有員邱山上有不死樹食之乃壽亦有赤泉飲之不老  
任臣案括地圖曰員邱之山上有赤泉飲之不死博

物志云員邱山有不死樹食之乃壽景純遊仙詩圓邱  
有奇草鍾山出靈液洛陽宮殿簿云明光殿前長生樹

二株晉華林園長生樹二株即不死樹也又廣西柳州產直草亦名不死草周髀算經曰中衡左右冬有不死之草李石續博物志曰支國有活人草人死者將草覆面即活皆不死樹類圖贊曰有人爰處員邱之上赤泉駐年神木養命稟此遐齡悠悠無竟陶潛讀山海經詩自古皆有沒何人得靈長不死復不老萬歲如平常赤泉給我飲員邱是我糧方

一曰在穿勾國東

岐舌國在其東

郭曰其人舌皆岐或云支舌也任臣案淮南子東南方有反舌民注云語不

可知而自相曉呂覽云反舌殊鄉之國東京賦重舌之人九譯僉稽首而來王王氏彙苑云反舌之國其人反舌即此也拾遺記曰因霄之國人舌尖處倒向喉內亦曰兩舌重背玄覽云軒渠之西其民四舌而三腔通考謂之三童國亦此類又案物理論舌主心由火旺于巳巳為蛇故蛇岐舌南方岐舌之民其亦火旺之象與路

史天皇頒羸而三舌是中國亦有岐舌者圖贊曰錄金  
洪鑑灑成萬品造物無私各任所稟歸於曲成是見兆  
朕

一曰在不死民東

崑崙墟在其東墟四方

郭曰墟山下基也任臣案劉會孟云在烏思藏山一曰

在岐古東為墟四方羿與鑿齒戰於壽華之野羿射殺

之

任臣案鴻烈解有鑿齒民即此高誘云鑿齒獸名齒長三尺其狀如鑿下徹頷下羿射殺之博物志曰羿

與鑿齒戰於疇華之野羿持弓鑿齒持矛羿殺之路史云堯殊鑿齒于疇華之野戮九嬰於凶水之上疇華即壽華也青邱記東方澤疇華南方澤凶水圖贊曰鑿齒人類實有傑牙猛越九嬰害過長蛇堯乃命羿斃之壽華金璫琳瑯載昭仁寺碑云殄暴壽華之澤戮凶絕轡之野本此也在崑崙墟東羿持弓

矢鑿齒持盾

郭曰鑿齒亦人也齒如鑿長五六尺因以名云任臣案宛委餘編引經云鑿齒作

楯一曰戈

郭曰未詳任臣案一云鑿齒持戈也

三首國在其東其為一人一身三首

任臣案抱朴子曰巢居野處獨目三首南

華經云有人三頭伺琅玕與玕琪子同此類李時珍人  
徇論人具四肢七竅常理也而荒裔有三首比肩飛頭  
垂尾之民淮南子云自西南至東南方為三頭民圖贊  
曰雖云一氣呼吸異道觀則俱見食則皆飽物形自周  
造化非巧又博物志載蒙雙一曰在鑿齒東  
民二頭四手亦三首之屬也

周饒國在其東其為人短小冠帶

郭曰其人長三尺穴居能為機巧有五穀

食一曰焦僥國在三首東

郭曰外傳云焦僥民長三尺短之至也詩含神霧曰從中

州以東西四十萬里得焦僥國人長一尺五寸也任  
臣案通考云焦僥人長三尺穴居善游鳥獸懼焉其地  
草木冬落夏生竹書紀年堯二十九載焦僥氏貢沒羽  
帝王世紀舜時焦僥氏來貢沒羽馬融廣成頌云納焦  
僥之珍羽謂此也漢明帝時西南國焦僥來貢獻安帝  
永初中焦僥種類陸類等舉種內附淮南子云焦僥曰  
炎上林希逸列子注焦僥之尺五諍人之九寸圖贊曰  
犀籟舛吹氣有萬殊大人三丈焦僥尺餘混之一歸此  
亦僞如又人之短者廣延國人長二尺張仲師長一尺  
二寸鵠國男女長七寸陳章與齊桓公所言是也鶴民  
國人長三寸日行千里見窮神秘苑木多國長四寸李  
子教長三寸三分黃帝時務光長七寸西京雜記云東  
都獻短人五寸或云東郡送人長七寸名曰巨靈神異  
經曰西北荒中有小人長一寸朱衣玄冠較焦僥更異  
也又案拾遺記遺池國陀移國人皆長三尺壽萬歲後  
漢書朱儒國人長三四尺洞冥記云勒罕國人長三尺

有翼或云三寸朝野僉載云留仇國人長三尺二三寸  
職方外紀曰歐羅巴西海有小人國高不二尺跨鹿而  
行鶴鳥嘗欲食之馬端臨云大秦有小人國軀纔三尺  
耕稼之時懼鶴所食大秦每衛助之北域本末記曰自  
狄山北馬行一月為短人國長者不踰三尺北方呼為  
羊胞頭國然則人長三尺不獨焦僥也又焦僥或作焦  
僥西陽雜俎云李章武有人腊長三寸餘頭項中骨筋成就是焦僥國人

長臂國在其東捕魚水中兩手各操一魚

郭曰舊說云其人手下垂

至地魏黃初中玄菟太守王頌討高句麗王宮窮追之  
過沃沮國其東界臨大海近日之所出問其耆老海東  
復有人否曰常在海中得一布褶身如中人衣兩袖長  
三尺即此長臂人衣也任臣案淮南子海外三十六  
國有脩臂民抱朴子云脩臂交股江淹遂古篇云長臂  
兩面即此也牛表埤雅廣要曰長臂國在海之東其人



垂手至地又有長脚人常負之入海捕魚又博物志載一布衣從海浮出其身如中國人衣兩袖長二丈朱謀埜異林云長臂之國臂長丈餘身如中人圖贊曰雙肱三尺體如中人彼島為者長臂之民脩脚是負捕魚海濱梁簡丈菩提樹頌穿臂一曰在焦僥東捕魚海中鏤臆之首短身長臂之師

### 狄山帝堯葬于陽

郭曰呂氏春秋曰堯葬穀林今陽城縣西東阿縣城次鄉中赭陽縣湘亭

南皆有堯冢任臣案帝王世紀堯葬濟陰成陽西北四十里是為穀林墨子云堯葬蚩山之陰山陵考云堯

陵在東平州王充乃云葬崇山郡國志言濟陰郡成陽縣有堯冢皇覽冢墓記云堯冢在濟陰成陽續述征記

云小成陽在陽城西南半里許俗云囚堯城合諸說觀之要以為小成陽者近是餘皆儀墓爾帝嚳葬

### 于陰

郭曰嚳堯父號高辛今冢在頓邱縣城南臺陰野中也音酷任臣案山陵雜紀云嚳葬頓邱宜陽

山陵考云帝營陵在滑縣東北七十里廣輿記大名府清豐縣有秋山帝嘗葬此山之陰國贊曰聖德廣被物

無不懷爰乃殂落封墓表哀異類猶然况乃華黎

爰有熊羆文虎

郭曰雕虎也尸子曰中黃

伯余左執大行之獲而右搏雕虎也

雌豹

郭曰雌獼猴類案爾雅雌玃鼻而長尾

任臣

離朱

郭曰

木名也見莊子今圖作赤鳥

視肉

郭曰聚肉形如牛肝有兩目也食之無盡尋復更生如故

任臣案

謝肇淞五雜俎曰太平廣記載蕭靜之掘地得物如人手臠而食之甚美過一道士曰此肉芝也江鄰幾雜志

云徐楨于廬州河次得一小兒手無指懼而棄之亦肉芝也狄山視肉蓋此類又案白澤圖物如小兒手無指

者名封食之多力本草綱目云海一種土肉正黑長五寸大如小兒臂有腹無口目有三十足可炙食文獻

通考云公孫淵時襄平北市生肉各數尺有頭目口喙無手尾而動搖西湖志董表儀撤屋掘土得一肉塊街

士云太歲也棄之又飛廉地囊形皆視肉類也附記之以廣聞見劉會孟曰視肉猶南方無損獸南華逸篇云人而不學謂之視肉學而不行謂之撮囊李斯云禽鹿視肉人面而能強行圖贊曰聚肉有眼而無腸胃與彼馬勃頗相髣髴奇吁咽郭曰所未詳也文王皆葬其所郭曰今在不盡食人薄味在長安鄜聚社中按帝王冢墓皆有定處而山海經往往復見之者蓋以聖人久於其位仁化廣及恩洽鳥獸至于殂亡四海若喪考妣無思不哀故絕域殊俗之人聞天子崩各有立坐而祭酸哭位起土為冢是以所在有馬亦猶漢氏諸遠郡國皆有天子廟此其一曰湯山遺象也任臣案今咸陽縣有周文王陵

一曰爰有熊羆文虎雌豹離朱鵠久

郭曰鵠久鵠鵠之屬任臣案鵠久

即鵠鵠古字通見字義總畧

視肉虜交

郭曰所未詳也

其范林方三百里

郭曰

言林汜濫布行也  
任臣案范汜通

南方祝融獸身人面乘兩龍

郭曰火神也  
任臣案太公金匱南海神名祝融越

絕云祝融治南方僕程佐之楚辭九歎云絕廣都以直  
指兮歷祝融於朱冥相如大人賦祝融驚而蹕御兮清  
霄氣而後行揚雄河東賦服玄冥及祝融史記正義云  
南方炎帝之佐獸身人面乘兩龍應火正也圖贊曰祝  
融火神雲駕龍駢氣御朱明正  
陽是舍作配炎帝列位于南

山海經廣注卷六

欽定四庫全書

山海經廣注卷七

仁和吳任臣注

海外西經

海外自西南陬至西北陬者

滅蒙鳥在結匈國北為鳥青赤尾

任臣案張華博物志結匈有滅蒙鳥

大運山高三百仞在滅蒙鳥北

任臣案路史注作大連山

大樂之野夏后啟於此儻九代

郭曰九代馬名儻謂盤作之令儻也任臣案

楊氏補注云盤作之謂舉盤起之令馬舞其上杜詩舞馬更登林唐世猶有此戲又案蕭子範求昭明集表夏

后之風載傳樂野梁簡文頌張樂大野夏有乘兩龍任慙德盧梅滄溟賦玩弄乎夏后氏之儻本此

案王融曲水詩序夏后兩龍載驅璿臺之上江淹赤虹賦集傳說之一星乘夏后之兩龍又遂古篇夏開乘龍

何因緣兮又效阮體詩夏后乘兩龍高會在帝臺李商隱九成宮詩雲隨夏后雙龍尾謂此也雲蓋三

層郭曰層猶重也左手操翳郭曰羽葆幢也右手操環郭曰玉空邊等為環佩玉

璜郭曰半璧曰璜在大運山北郭曰歸藏鄭母經曰夏后啟璜御飛龍登于天吉明啟亦仙也

任臣案路史夏啟紀登攢拊馬秉翳執環而聲九辨圖贊曰璜御飛龍果儻九代雲融是揮玉璜是佩對揚

帝德稟一曰大遺之野郭曰大荒云天靈誨

三身國在夏后啟北一首而三身

任臣案淮南子自西北至西南方有三身

民注云三身民一頭三身江淹遂古篇丈夫女子至三身兮玄覽云鑿齒之東其民一首而三身荒史因提紀曰庸成氏實有季子其性喜淫帝放之於西南季子儀馬而產子身人而尾蹄馬是為三身之國

一臂國在其北一臂一目一鼻孔有黃馬虎文一目而

一手

任臣案淮南子海外三十六國西南方有一臂民呂氏春秋云共肱一臂之鄉爾雅北方有比肩民

焉迭食而迭望注云此即半體之人各有一目一鼻孔一臂一脚異域志云半體國其人一目一手一足交州記曰儋耳國東有一臂國人皆一臂也江淹遂古篇一臂人兮本此三才圖會曰一臂國在西海之北半體比肩猶魚鳥相合王融曲水詩序離身反踵之君髻首貫胸之長離身亦斯類也圖贊曰品物流行以散混沌增

不為多減不為損厥  
慶難原請尋其本

奇肱之國

郭曰或作弘奇音羈

在其北其人一臂三目有陰有陽

乘文馬

郭曰陰在上陽在下文馬即吉良也

有鳥焉兩頭赤黃色在其旁

郭曰其人善為機巧以取百禽能作飛車從風速行湯  
時得之於豫州界中即壞之不以示人後十年西風至  
復作遣之任臣案河圖括地象曰奇肱氏能為飛車  
從風速行博物志云奇肱國去玉門西四萬里善為拭  
扛飛車述異記曰湯時西風吹奇肱人垂車東至豫州  
界俟十年而風後至使遣歸國冠編亦云成湯十祀遣  
奇肱氏歸其國沈思永文苑豹班云奇肱氏能為飛車  
乘風而飛禹時曾至黃帝祠額解云儋耳奇肱長股貫  
胃莫不來賓吳淑風賦云飛車初駭于奇肱曲蓋始因  
于周武又車賦云然邱則剛金為輶奇肱則從風以飛



玄覽曰奇肱有兩頭之鳥互人有六首之觸圖贊曰鈔  
哉工巧奇肱之人因風構思制為飛輪凌顏遂軌帝湯  
是形天與帝至此爭神帝斷其首葬之常羊之山乃以

乳為目以臍為口操干戚以舞

郭曰干有戚斧也是為無首之民任臣案抱

朴子謂無首之體即此也圖贊曰爭神不勝為帝所戮  
遂厥形天臍口乳目仍揮干戚雖化不服形天或作刑  
天陶詩云精衛銜微木將以填滄海刑天舞干戚猛志  
故常在亦作形天段成式諾臯記云形天與帝爭神帝  
斷其首葬之常羊山乃以乳為目臍為口操干戚而舞  
馬劉會孟曰律陀有天眼形天有天口洪容齋曰舊本  
淵明讀山海經詩刑天無千歲疑上下文義不貫遂取  
經文參校形天獸名也好啣干戚而舞乃知是形天舞  
干戚五字皆謫此與臨漢曾絃之說同也而二老堂詩  
話復云靖節茲題十三篇大槩篇指一事此恐專說精

衛填海無千歲之壽而猛志常在化去不悔若并指形  
天似不相續其辭甚辨而要以曾洪之解為得之邢凱  
坦齋通編云天山有神名刑天操干戚而舞不止張氏  
代醉編曰山海經形天與帝爭神形刑天天四字當再  
考善本又吳淑事類賦駭操干之刑大以形天為刑大  
更誤矣來斯行策云晉史莫窺空詫渡河之三豕山經  
未諳終達舞戚之刑天謂此又  
青關山人路史曰刑天即渾激

女祭女戚在其北居兩水間戚操魚鮓

郭曰鯀魚屬  
任臣案王會篇

甌人鯀蛇即鮓也物性志云鮓似蛇亦善  
緣樹食藤花語曰鮓則似蛇鮓聞有翼

祭操俎

郭曰  
肉几

任臣案國贊曰彼妹者子誰氏二女曷  
為水間操魚持俎厥儼安在離羣逸處

鴛鳥鵲鳥

郭曰

次瞻其色青黃所經國亡

郭曰此應禍之鳥即今梟鴞  
兩音鵠之類任臣案國贊曰有

鳥青黃號曰鵠鵠與妖會合所  
集會至類則梟鵠厥狀難媚

在女祭北鵠鳥人面居

山上

任臣案篇海云鵠鳥鵠鵠  
別名今云人面似不類

一曰維鳥青鳥黃鳥所

集

丈夫國在維鳥北其為人衣冠帶劍

郭曰殷帝太戊使  
王孟採藥從西王

母至此絕糧不能進食木實衣木皮終身無妻而生二  
子從形中出其父即死是為丈夫民任臣案玄中記

云子從背脇中出王孟一作王英江淹遂古篇丈夫女  
子徐陵陳公九錫文北洎丈夫之鄉南踰女子之國陳

氏吳問云丈夫北極女子南方謂此也淮南子自西北  
至西南方有丈夫民事物紺珠云丈夫民去玉門關二

萬里圖贊曰陰有偏化陽無產理丈夫  
之國王孟是始感靈所通桑石無子

女丑之尸生而十日炙殺之

任臣案冠編云羲和為黃帝日官錫土扶桑扶桑後

君生十子皆以日名號十日而九日為凶號九嬰分扶桑之國為十用兵不止求實無已炙殺女丑同惡相濟

故曰叢枝胥教在丈夫北以右手鄣其面

郭曰蔽面任臣案王世貞沈慤云鑿齒

齒齟擬談余兮女丑蒙顧以相盡盧柟放招賦魂兮無西女丑之尸蒙面奇怪指此也圖贊曰十日並煥女丑

以斃暴于山阿揮袖自翳彼美誰子逢天之厲十日居上女丑居山之上

巫咸國在女丑北右手操青蛇左手操赤蛇在登葆山

羣巫所從上下也

郭曰採藥往來任臣案國名記巫咸國故巫縣今夔之巫山又陝之夏

縣有巫咸山計其道里非此也淮南子云巫咸在其北方董道廣川書跋曰巫咸河在女丑北其神威靈震耀

得在祀典世圖其象右手揜青蛇左手揜赤蛇在保登  
山羣巫所以上下故安邑有巫咸祠祀之江淹赤虹賦  
序自非巫咸採藥羣帝上下者皆歛意焉用此圖贊曰  
羣有十巫巫咸所統經枝是搜術藝是綜採藥靈山隨  
降時登

并封在巫咸東其狀如羸前後皆有首黑

郭曰今弩弦蛇亦此類也

任臣案游氏臆見云西區陽有鼈封謂之兩頭鹿朱氏駢雅曰鼈封兩首羸也鼈封并封屏蓬似是一物胡應麟三墳補逸曰王會稱區陽以鼈封鼈封者若羸前後有首王伯厚補注云盛弘之記武陵郡西有獸如鹿前後有頭常以一頭食一頭行然不言名鼈封考以山海經所載并封在巫咸東其狀如羸前後皆有首蓋斯物也任臣又案後漢書雲陽有神鹿兩頭能食毒草華陽國志云此鹿出雲陽南郡熊舍山即余義也酉陽雜

組云雙頭鹿夫名耶希耶鹿名也張華博物志云茶苜  
機出水昌郡音蔡茂机是兩頭鹿名弘之所記即此耳  
國贊曰龍過無頭并封連載物狀相乖如驥分背數得  
自通尋之愈閤又史荀云神功元年安國獻兩首犬亦  
并封類  
附記之

# 女子國在巫咸北兩女子居水周之

郭曰有黃池婦人入浴出即懷妊矣

若生男子三歲輒死周猶繞也離騷曰水周於堂下也  
任臣案金樓子云女國有黃池浴之而孕抱朴子云  
黃池無另穿胃勞口隋書云女國在蔥嶺南職方外紀  
曰直北方之西有女國曰亞瑪作獨疑即此也梁四公  
記杰公曰今女國有六北海之東方闕之國有女國天  
女下降為其君西南域板楯之西有女國女為人君以  
貴男為夫置男為妾媵昆明東南絕徼之外有女國以  
猿為夫生男類父而入山谷晝伏夜遊生女則巢居穴

處南海東南有女國舉國惟以鬼為夫夫致飲食禽獸以養之勃律山之西有女國山出台胞之水女子浴之而有孕其女舉國無夫西海西北有女國以地為夫男則為地不噬人而穴處女則臣妾官長而居宮室唐書西域傳云東女國一曰蘇伐刺孃瞿咀羅國皆別種也西海有女國故稱東別之女主號賓就是西方亦不止一女國也又通考曰扶桑東千里有女國其人容貌端正身體有毛至二三月競入水則妊娠六七月產子埤雅廣要曰女人國與奚部小如者部抵界其國無男每視井即生蓋東女國也非此國贊曰簡狄有吞姜嫄有履女子之國浴於黃水 一曰居一門中乃娠乃字生男則死

軒轅之國在此窮山之際其不壽者八百歲

郭曰其國在山南邊

也大荒經曰岷山之南任臣案博物志西北有軒轅國在窮山之際其不壽者八百歲張衡思立賦云超軒

轅于西海兮謂此國贊曰軒轅之人承天之祐冬不襲  
衣夏不扇暑猶氣之和家為彭祖滿之恒黃海云天帝  
賜算聖人有加焉軒轅之國不壽者八  
百歲是即以軒轅為黃帝也未詳是非  
在女子國北人

面蛇身尾交首上窮山在其北不敢西射畏軒轅之邱

郭曰言敬畏黃帝威靈故不敢向西而射也  
任臣案  
揮通紀有軒轅氏或曰居軒轅之邱以為名疑非是羅

泌曰軒轅所迹後人因以名邱非因邱而為號且其邱  
在崑崙之下世以為黃帝之所避風雨者非所居也

在軒轅國北其邱方四蛇相繞  
郭曰縈此諸天之野  
郭曰

天音妖  
任臣案博物志作渚沃事  
類賦作諧沃又篇海引此天音沃  
鸞鳥自歌鳳鳥自

舞鳳凰卵民食之甘露民飲之所欲自從也  
郭曰言滋  
味無所不



有所願得自在此謂天野也任臣案博物志軒轅國  
鸞自舞民食鳳卵飲甘露述異記云海中有軒軒邱鸞  
自歌鳳自舞古云天帝樂也昭明太子七召云拾卵鳳  
巢剖胎豹約李氏演連珠云渚沃之野食鳳卵而棄餘  
崔融賀甘露表嘗之則甘似降軒轅之國俱本此又吳  
淑露賦享遐壽于搖山注引經云諸沃之山搖山之民  
甘露是飲不壽者八  
百歲與今本畧異  
百獸相與羣居在四蛇北其人兩

### 手操卵食之兩鳥居前導之

龍魚陵居在其北狀如狸

郭曰或曰龍魚似狸一角任臣案淮南子砲魚在其南

即此張衡思立賦云跨汪氏之龍魚景純江賦云龍鯉  
一角奇鵠九頭又云或虎狀龍顏吳淑魚賦云陵處亦  
驚于龍鯉劉賡稽瑞錄云具區文蜃陵居角鯉駢志云  
龍魚陵居皆指此也又成陽靈臺碑有龍魚疑亦斯魚

也見洪适漢隸釋又文選注  
事類賦注引經通作龍鯉

一曰鰕

郭曰音遐 任臣案虞荔鼎錄曰宋

文帝得鰕魚遂作鼎曰鰕魚四足又  
爾雅鰕大者亦謂之鰕皆同名異物 即有神聖乘此以

行九野

郭曰九域之野 任臣案拾地圖曰龍魚一名鰕魚狀如龍而有神聖乘此而行九野高誘淮

南注硃魚如鯉魚有神靈者乘行九野圖贊曰龍魚一角似狸處陵侯時而出神聖攸乘飛驚九域乘雲上昇

楊慎異魚贊曰龍魚之川在汧之瑛河 國授義實此出焉神行九野如馬行天 一曰鼈魚在天

野北其為魚也如鯉白民之國在龍魚北

任臣案呂氏春秋注白民

之國在海外極南淮南子自西北至西南方有白民注云白民白身天寶軍錄云日南廐山連接不知幾千里 裸人所居白民之後也刺其胃前作花以為美飾路史白民進藥獸黃帝祠額解云師白民藥獸而知醫劉鳳

雜俎曰赤頸白民謂此也又大荒東經亦有白民國計其道里疑為二國又雲南通志云白飯王之後仁果居

白崖為白人之**白身被髮**郭曰言其人體洞白任臣案湘烟錄云白氏國人白如

玉國中無五穀惟種玉食之疑即白民**有乘黃其狀如狐其背上有角乘**

**之壽二千歲**郭曰周書曰白民乘黃似狐背上有兩角即飛黃也淮南子曰天下有道飛黃伏見

任臣案博物志白民國有乘黃乘之壽三千歲稽瑞錄云成王時白民獻乘黃游氏臆見曰乘黃一名訾黃

龍翼馬身黃帝乘之而仙漢武欲得之郊祀歌曰訾黃何不徕下文選緒白馬賦黃帝陟位飛黃伏皐駟耕錄

云軒轅獲飛黃而獨角高誘淮南注云飛黃出西方狀如狐背上有角乘之壽三千歲宋符瑞志舜時地出乘

黃之馬李長吉詩暫繫騰黃馬吳正子注云騰黃神黃也一曰乘黃飛黃或作古黃翠黃狀如狐背有兩角乘

之壽千歲抱朴子云騰黃之馬吉光之獸皆壽三千歲即斯獸也國贊曰飛黃奇駿乘之難老揣角輕騰忽若

龍矯實鑒有德乃集厥阜

肅慎之國在白民北

任臣案淮南子海外三十六國有肅慎民

有樹名曰雄

郭曰武作雄

常先入代帝於此取之

郭曰其俗無衣服中國有聖帝代立者則此木

生皮可衣也

任臣案異物彙苑云雄常木無皮出肅慎之國聖人在位則木生皮可為衣其國東朝中國成

王時一生晉書列傳云肅慎有樹名曰雄常若中國有聖帝代立則其木生皮可衣周武王及成王時遣使入

貢事物紺珠云雄常出肅慎談薈云挹婁國雄常樹其皮可衣顧野王進玉篇啟取衣雄樹則肅慎識受命之

興平波海水則越裳知聖人之德駢雅曰雄常之皮可衣吉貝之花可績稽瑞錄云房戶濶達肅慎雄常國贊

曰青質赤尾號曰滅蒙大運之山百仞三重雄  
常之樹應德而通又朱謀瑋異林作雒裳樹

# 長股之國在雄常北被髮

郭曰國在赤水東也長臂人  
身如中人而臂長二丈以類

推之則此人脚過三丈矣黃帝時至或曰長脚人常負  
長臂人入海中捕魚也任臣案竹書紀年黃帝五十

九年長股氏來賓穆天子傳天子乃封長肱於黑水之  
西河是曰留骨之邦即長股也淮南子海外三十六國

有修股民又汜論訓曰奇肱修股之民是非各異習俗  
相反江淹遂古篇云長股深目豈君臣兮埤雅廣要云

長脚人與長臂國相連一曰長脚郭曰或曰有喬國今伎家喬人  
蓋象此身任臣案喬人雙木

續足之戲  
今曰躡踏

# 西方蓐收左耳有蛇乘兩龍

郭曰金神也人面虎爪白  
毛執鉞見外傳任臣案

月令秋月其神蓐收明義云少皞金天氏其子該為蓐  
收也左傳金正曰蓐收楚辭遠遊云鳳凰翼其承旂兮  
遇蓐收乎西皇柳子晉問云出太白微蓐收亶爰子云  
召蓐收以奔屬兮馴威虺迴跋烏國語虢公所夢史記  
所對均此神也圖贊曰蓐收金神白毛虎爪  
珥蛇執鉞專司無道立號西阿恭行天討

山海經廣注卷七

欽定四庫全書

山海經廣注卷八

仁和吳任臣注

海外北經

海外自東北陬至西北陬者

無脊之國

郭曰音啓或作縈任臣案一名無啓又名無繼淮南墜形訓海外三十六國西北方有

無繼

在長股東為人無脊

郭曰脊肥腸也其人穴居食土無男女死即埋之其心不

朽死百廿歲乃復更生任臣案博物志無啓民居穴食土死埋之其心不朽百年還化為人酉陽雜俎曰無

啓人食土其人死其心不朽埋之百年化為人細民肝不朽埋之八年化為人抱朴子云乘雲璽產之國肝心不朽之民盧枏蠟集云登巫成厯無腎劉鳳雛云無腎無骨皆此也國贊曰萬物相傳非子則根無腎因心構肉生魂所以能然尊形者存又三才國會云三靈國民食土死者埋之心肺肝皆不朽百年復化為人與無腎國相類

鍾山之神

任臣案十洲記曰北海外有鍾山自生千芝及神草又云鍾山在北海子地仙家數十萬

耕田種芝草課計頃畝酉陽雜俎云仙藥有鍾山白膠魯女生列傳曰鍾山之衆其大如餅景純遊仙詩鍾山

出靈液注云北海外山即此山也

名曰燭陰

郭曰燭龍也是燭九陰因名云任臣案盧枏泰宇

賦前引壽華後蟠燭陰

視為晝瞑為夜吹為冬呼為夏不飲不食



不息息為風

郭曰息氣息也

身長千里在無脊之東其為物人

面蛇身赤色居鍾山下

郭曰淮南子曰龍身一足臣案括地圖曰鍾山之神名曰

燭龍視為晝眠為夜吹為冬吁為夏息為風楚辭曰安不到燭龍何照王逸注云天之西北有幽冥無日之國有龍銜燭而照之柳宗元天對曰脩龍旦燎爰北其首九陰極冥厥朔以炳楊萬里解云旦燎謂銜燭也盧柟放招賦軼鍾山之幽默兮今照之以燭龍龍池賦蔚兮叩燭照鍾山之野圖贊曰天缺西北龍叩火精氣為寒暑眼作昏明身長千里可謂至神張憲燭龍行云蛇身人面髮如赭叩珠光吐照天下指此也

一目國在其東一目中其面而居一曰有手足

任臣案淮南子

海外三十六國有一目民抱朴子所謂獨目也事物紺珠云西北一目少廣為八紘之地在八埏外三才圖會

曰一目國在北海外其人一目當其面而手足皆具圖贊曰荅四不多此一不少于野冥瞽洞見無表形遊逆旅所貴維眇今亞細亞之西北歐羅巴之東有一目國見兩儀玄覽圖

柔利國在一目東為一手一足反膝曲足居上郭曰一脚

一手反卷曲也任臣案博物志子利國人一手二足拳反曲與此國類第云二足疑非此也淮南子海外三十六國有柔利民異林云柔利國其人曲膝向前一手一足三才國會云柔利國國人曲膝一手一足圖贊曰柔利之人曲脚反肘干求之容一云留利之國人足反方此無醜所貴者神形于何有

折

共工之臣曰相柳氏郭曰共工九首以食于九山郭曰

郭曰共工九首以食于九山郭曰

自食一山之物言貪暴難饜任臣案相柳蛙螢子三才圖會俱作相抑先是共工姜之異為太昊黑龍氏主水職共工堯子康回襲黑龍氏亦曰共工太昊崩女媧立以上相不下女主伯九有而朝同列偕黑帝輔以相抑竊保冀方亦作相繇見張揖廣雅及大荒經圖贊曰共工之臣號曰相柳稟此奇表蛇身九首恃力舛暴終禽夏后又案神九首者相柳之外九鳳九首木相柳之夫九首賂賓王露布云雄虺九頭蓋謂此也

所抵厥為澤谿

郭曰抵觸厥也音厥

禹殺相柳其血腥不可以

樹五穀種禹厥之三仞三沮

郭曰掘塞之而土三沮滔言其血膏浸潤壞地任

臣案陳一中曰共工夾輔太昊太昊在位則相抑為陪臣太昊既陟則相抑於共工君臣之分既定義不可絕嗣主縱無道死所事以報先君人臣之義也彼各為其主精英未泯死化九首之虺所抵為淵澤水孽憤戾之

氣理不盡無故禹不得不殺一曰禹戮之也非真相抑  
氏杜宇蚺蛇是也王世貞詩相柳食九州膏血彌川坻  
本乃以為衆帝之臺郭曰言地潤濕唯在崑崙之北郭曰

此崑崙山在海外者柔利之東相柳者九首人面蛇身而青不敢

北射畏共工之臺臺在其東臺四方隅有一蛇虎色首

衝南方

郭曰衝猶向任臣案楊慎補注云首衝南方者紀鼎上所鑄之象虎色者蛇豕如虎蓋鼎上

之象又以彩色點染別之

深目國在其東為人舉一手一目

郭曰一作曰

在共工臺東

任臣案淮南子自東北至西方有深目民路史曰北海深目之國盼姓近南地冠編云黃帝五十九歷貫胷

長股深目僂耳莫不來賓圖贊曰深目類戎但覺絕縮軒轅道降欵塞歸服穿宵長脚同會異族

無腸之國在深目東

郭曰一作南

其為人長而無腸

郭曰為人長大

腹內無腸所食之物直通過任臣案淮南子自東北至西北方有無腸民路史云無腸蜚頭厭火流鬼圖贊曰無腸之人厥體維洞心實靈府餘則外用得一自全理無不共埤雅廣要作無腹國

聶耳之國在無腸國東使兩文虎為人兩手聶其耳

郭曰言耳

長行則以手攝持之也聶諾夾反任臣案牛哀埤雅廣要云聶耳在無腹東其人虎文兩手聶耳而行耳長及頰行則手捧之朱謀埤異林云聶耳之國耳垂至腰兩手捧耳而行圖贊曰聶耳之國海渚是縣雕虎斯使奇物畢見形有相須手不離面長源羅氏曰四海之下半體聶耳即此又大耳國以一耳為席一耳為衾較此更奇也縣

居海水中

郭曰縣猶邑也

及水所出入奇物

郭曰言盡規有之

兩虎在其東

夸父與日逐走入日

郭曰言及日於將入也

逐音冑任臣案列子夸父不量力欲

追日影逐之於隅谷之際林注云夸父龍伯之類鴻烈解夸父在其北方又曰臣雷公役夸父注云夸父

神獸也廣輿記云今涇州有振履堆相傳夸父逐日振履于此歲華紀麗日類云逐有夸父送有泰皇吳

國倫集北山愚公東海夸父續騷經云攬飛輿以夸父兮徐吾起而為助冠編云句龍生垂及信信生夸

父又蜀觀井碑成湯自上而臨下夸父處中而見受疑謂此人渴欲得飲飲於河渭

任臣案何諷夢渴賦云辨夸父于渭上

河渭不足北飲大澤

任臣案王勃九成宮

頌前旌逐日夸父斷洪河之流盧枏蟻蠓集飲夸父於後溼本此

未至道渴而死棄其

# 杖化為鄧林

郭曰夸父者蓋神人之名也其能及日景而傾河渭豈以走飲哉寄用於走飲耳幾

乎不疾而速不行而至者矣此以一體為萬殊存亡代謝寄鄧林而遊形惡得尋其靈化哉任臣案淮南子

夸父棄其策是為鄧林博物志云海水西夸父與日相逐棄其策杖化為鄧林阮籍詠懷詩夏后乘靈輿夸父

為鄧林江淹遂古篇夸父鄧林義亦艱兮庾信竹林賦一傳大夏空成鄧林又羽調曲羣材既聚故能成鄧林

詩品云篇章之珠澤文彩之鄧林李邕日賦夸父棄策崩走何益初學記云夸父棄杖魯陽揮戈隋書云鄧林

之一枝崑山之片玉後周書云挺棟幹于鄧林駱賓王露布鄧林萬里交影甘泉之樹楊炯渾天賦夸父棄策

無以方其駿奔李白大獵賦大章按步以往來夸父振策而奔走文苑英華云卑沃焦於尺土微鄧林以秋毫

吳淑日賦棄杖復聞於夸父又杖賦棄鄧林而自茂盧柎賦慨夸父之鄧林吊燭龍於崑崙皆指此也又襄州

南鳳林山亦名鄧林是古鄧祁侯國荀子云鄧地之山林是也非此圖贊曰神哉夸父難以理尋傾沙逐日遊形鄧林觸類而化應無常心陶潛讀山海經詩夸父誕宏志乃與日競走俱至虞淵下似若無勝負神力既殊妙傾河馬足有餘迹寄鄧林功竟在身後

博父國在聶耳東其為人大右手操青蛇左手操黃蛇

鄧林在其東二樹木一曰博父禹所積石之山在其東

河水所入

郭曰河出崑崙而潛行地下至蔥嶺復出注鹽澤從鹽澤復行南出於此山而為中國河

遂注海也書曰導河積石言時有壅塞故導利以通之

拘纓之國在其東一手把纓

郭曰言其人常以一手持冠纓也或曰纓宜作纓



任臣案淮南子作句嬰民注云讀為九嬰劉氏類山一云跂踵句癭是為海外三十六國句癭即拘纓也

曰利纓之國尋木長千里在拘纓南生河上西北

任臣案尋

木即穆天子傳姑繇之木之類也郭璞游仙詩縱酒濛汜消結駕尋木未成公綏詩扶桑高萬仞尋木長千里

國贊曰渺渺尋木生于河邊踈枝千里上于雲天

垂陰四極下蓋虞淵又李善文選注引此作椿木

跂踵國在拘纓東

郭曰跂音企

其為人大兩足亦大

郭曰其人行脚

跟不着地也孝經鈎命訣曰焦僂跂踵重譯款塞也任臣案淮南子自東北至西北方有跂踵民注云跂踵踵不至地以五指行竹書紀年夏帝癸二年跂踵民來賓呂氏春秋云桀染于羊辛跂踵夷即此國人也李巡爾雅注曰蠻類有八天竺咳首焦僂跂踵穿冑僂耳狗軋旁春論衡曰周時若穿冑僂耳焦僂跂踵之輩不能

三千江淹遂古篇跋踵交脰與羽民兮又墨子禮記疏  
吉音餘俱作跋踵圖贊曰厥形雖大斯脚則企跳步雀  
踴踵不聞地應德  
而臻歎塞歸義 一曰大踵

歐絲之野在大踵東一女子跪據樹歐絲

郭曰言暇桑而吐絲蓋蠶

類也任臣案博物志曰嘔絲之野有女子方跪據樹  
而嘔絲此海外也太平廣記曰歐絲之野女子據樹歐  
絲楊慎補注云世傳絲神為女子謂之馬頭娘後漢志  
曰宛窳蓋此類也圖贊云女子鮫人體近蠶蚱出珠匪  
甲吐絲匪蛹化出無方物豈有種梁蕭恪進世祖牋野  
蠶自績何謝歐絲白氏六帖云跪樹歐絲生桑得繭吳  
淑絲賦云或吐之而成錦或歐之而跪樹談薈云織綃  
之鮫人泣珠據樹之女子歐絲本此又因祗園女子內  
五色絲口中則成文錦沈約見三桑無枝在歐絲東其  
女子亦吐絲織成水紈與斯類

木長百仞無枝

郭曰言皆長百仞也云和邱在其東北阪三桑無枝在其西

任臣案淮南子

吳淑桑賦圃邱傳北海之名謂三桑也

范林方三百里在三桑東洲環其下

郭曰洲水中可居者環繞也

務隅之山帝顓頊葬于陽

郭曰顓頊號為高陽冢今在濮陽故帝邱也一曰頓邱縣

城門外廣陽里中

任臣案冠編云顓頊葬廣陽里務隅之陽劉會孟曰此招魂葬衣冠之所非濮陽帝邱也

九嬪葬于陰

郭曰嬪婦

一曰爰有熊羆文虎離朱鵠久視肉

任臣案王氏釋義曰離朱而下皆異物或以為殉葬之具

平邱在三桑東爰有遺玉

郭曰遺玉玉石任臣案遺玉即瑩玉松枝千年為伏苓

又千年為琥珀又千年為堅字書云堅遺玉也是其解也高昌人名為木堅謂玄玉為石堅梁四公記云交河之間平磧中掘地深一丈下有堅珀此堅玉耳徐氏審修賦云按予嘗于平邱兮弄遺玉于三朶謂此也青

鳥視肉楊柳甘柎郭曰其樹枝幹皆赤黃花白葉黑實

如柎黎甘華郭曰亦赤枝幹黃華任臣案楊慎補百

果所生任臣案淮南子平邱作華邱青鳥作青馬楊有

兩山夾上谷二大邱居中名曰平邱任臣案圖贊曰兩

爰有遺玉駿馬維青

北海內有獸其狀如馬名曰駒駼郭曰陶塗兩音見爾雅任臣案字林云

北方良馬也一名野馬王會解成王時禺氏來獻駒駼  
又伊尹四方令正北以野馬駒駼為獻史記北域奇畜  
則駒駼邢昺爾雅疏駒駼幽隱之獸有明王在位則至  
熊氏瑞應圖云王者德威則駒駼至孫氏瑞應圖曰有  
賢王則駒駼來為時辟除灾害劉賡瑞錄云觸邪解  
勇除害駒駼張說監牧頌舉其神異則駒駼駼駼乘黃  
茲白顏氏漢書注云陶塗國出此馬因以為名國贊曰  
駒駼野駼產自北域交頸相摩分背翹陸雖有孫陽終  
不能服駼宋書作駼張萱彙雅曰  
駼又獸名狀如黃牛虎文非此  
有獸焉其名曰駼狀

如白馬鋸牙食虎豹  
郭曰周書曰義渠茲白若白馬鋸  
牙食虎豹按此二說與爾雅同

任臣案說苑師曠云駼食虎豹食駼駼食虎又獸之  
食虎豹者復有渠搜鼯鼠穀青腰狻猊闕耳虎鷹渠搜  
即鼯犬一名黃腰有素獸焉狀如馬名曰蜚蜚  
郭曰即蜚  
犬殺一名黃腰有素獸焉狀如馬名曰蜚蜚  
蜚蜚虛也

一走百里見穆天子傳音邛任臣案爾雅翼云蜚鼠  
前而鬼後趨則頓走則顛故常與邛邛距虛比為邛邛  
距虛齧甘草即有難邛邛距虛負之號比肩獸宛委餘  
編云東有魚比目曰鰈南有鳥比翼曰鵲西有獸比肩  
曰邛邛距虛玄覽曰東海之鰈比目而後達北方之獺  
更食更視而後飽西方之蜚得蜚蜚距虛而後行南方  
之鵲比翼而後舉王會篇獨鹿國獻蜚蜚距虛瑞應圖  
云比肩獸王者德及幽隱則至劉孝標啓蜚蜚之謀止  
于善草周周之計利在街翼圖贊曰蜚與岷虛乍鬼乍  
鼠長短相濟彼我俱舉有若自然同心共膂相如子虛  
賦楚蜚蜚輯距虛張揖注云蜚蜚青獸狀如馬距虛似  
羸而小李善章句云蜚蜚即距虛變文互言耳是邛邛  
距虛為**有青獸焉狀如虎名曰羅羅**任臣案駢雅曰青

南蠻人呼虎亦為  
羅羅見天中記

北方禺彊人面鳥身珥兩青蛇踐兩青蛇

郭曰字玄冥水神也莊周

曰禺彊立于北極一曰禺京一本云北方禺彊黑身手足乘兩龍任臣案太公金匱北海神名玄冥越絕云

玄冥治北方白辯佐之五嶽真形圖云北海神名帳餘里又名禺彊江淹遂古篇北極禺彊為常存今圖贊曰禺彊水神面色鰲黑乘龍踐蛇凌雲附翼靈一玄冥立于北極

山海經廣注卷八



欽定四庫全書

山海經廣注卷九

仁和吳任臣注

海外東經

海外自東南陬至東北陬者

嗟邱

郭曰音嗟或作髮作差邱盧柵滄溟賦云偃轡

任臣案續文獻通考引此

爰

有遺玉青馬視肉楊柳甘柎甘華

任臣案賈爰集云編甘華于髮邱

甘

果所生在東海兩山夾邱上有樹木一曰嗟邱一曰百

果所在在堯葬東

大人國在其北為人大坐而削船

任臣案淮南子云自碣石山過朝鮮貫大

人之國注曰朝鮮樂浪縣大人國在其東博物志曰大人國其人孕三十六年生白頭其兒則長大能乘雲而不能走蓋龍類去會稽四萬六千里劉會孟云穆滿升巨人之臺古有此國太平廣記曰新羅國東與長人國

接身三丈鋸牙鉤爪不火食或謂即此也

一曰在嵯邱北

任臣案一本作嵯邱北

奢比

任臣三才圖會作奢比

之尸在其北

郭曰亦神名也案奢比黃帝七輔之一

任臣

冠編云黃帝友奢比友地典路史奢比辯乎東以為土師是也國名記有奢比國盧柟滄溟賦云獻奢比游無

垠

獸身人面大耳珥兩青蛇

郭曰珥以蛇貫耳也音釣

任臣案釋義曰

青蛇以象木也類也

一曰肝榆之尸在大人北

任臣案釋義曰既曰奢比又曰肝榆

肝亦木屬盧柟故招賦云左陰肝榆右餼鄧林謂此也

君子國在其北衣冠帶劍食獸使二大虎在旁其性好

讓不爭

任臣案淮南子云東方有君子之國注曰東方木德仁故有君子之國其人衣冠帶劍食獸使

二大虎也天老曰鳳五色備舉出于君子之國京房亦

云鳳皇高丈二出于東方君子之國博物志云君子國

好禮讓不爭士千里民多疾故人不蕃息好讓故為君

子國後漢書列傳東方曰夷天性柔順易以道御至有

君子不死之國馬廬陵羅氏曰北方有不釋之冰南方

有不死之草東方有君子之域西方有殘刑之尸圖贊

曰東方氣仁國有君子薰華是食

有薰

郭曰或作董任臣案一本作

雕虎是使雅好禮讓委蛇論理

董華草朝生夕死任臣案爾雅檉木槿木槿木槿逸書云仲夏之月木槿榮詩云顏如薜華即

董也本草謂之朝開暮落花董為董之諺無一曰在肝疑博物志亦云多董華之草似猶緣此誤也

榆之尸北

虫虫在其北郭曰音虹任臣案古音畧云虫音泉義與霓蛭同又案漢天文志抱珥虫蛭則

字通也各有兩首郭曰虹蛭也任臣案春秋運斗樞星散為虹蛭河圖曰鎮星散為

虹蛭又吐金化玉所見不一一曰在君子國北是虫虫亦豐靈列缺類也

朝陽之谷任臣案江淹賦朝陽之谷崦嵫之泉神曰天吳任臣案天吳水伯名嵇康琴賦

天吳踊躍於重洲木華海賦天吳乍見而鬐鬣庚闌詩天吳踊靈壑將駕奔霄冥謝靈運詩川石時安流天吳

靜不發王勃乾元殿頌序控風伯于詞林詔天吳于筆  
海沈雲卿詩颺颺榮海若霹靂天吳李賀浩歌云帝  
遣天吳移海水竄爰子云天吳吸重靈鰐來僦僦王  
世貞沈慤云天吳紛濟其來下談數曰李大異常誦杜  
天吳紫鳳之句顧坐客云吳音華見山海經未知復見  
何書王仲行對云後漢書戴就被收獄吏燒鋸斧使就  
挾之注引何承天纂文誤音華又詩不吳不教  
不吳不揚亦皆音華據此則天吳从華音矣 是為水

伯在垂垂北兩水間其為獸也八首人面八足八尾皆

青黃

郭曰大荒東經云十尾  
伯號曰谷神八頭十尾人

面虎身龍據兩川威無

不震郁離子曰天吳八首八足  
而相抑九頭實佐之蓋指此也

青邱國在其北

郭曰其人食五穀衣絲帛 任臣案抱  
朴子云黃帝東至青邱過風山見紫府

先生授以三皇內文呂覽云禹至鳥谷青邱之鄉王會  
注青邱海東地名服虔曰青邱國在海東三百里相如  
賦云秋田乎青邱彷徨乎海外梁元帝職貢圖序度青  
邱而跨丹穴庚信羽調曲青邱還擾國丹穴更巢梧王  
勃為趙長史表西窮赤水之源東究青邱之境又乾元  
殿頌青邱畫野不踰征賦之鄉顧起元壯遊歌左望青  
邱渚右眇白雲鄉宋史天文志青邱七星在軫東南海東之國號也其狐四足九尾一曰

### 在朝陽北

郭曰汲郡竹書曰栢杼子征于東海及王壽  
得一狐九尾即此類也任臣案瑞應圖九

尾狐六合一同則見文王時東方歸之呂氏春秋云禹  
行塗山乃有白狐九尾造於禹塗山人歌曰綏綏白狐  
九尾靡靡成王時青邱貢九尾狐見逸周書圖贊曰青  
邱奇獸九尾之狐有道翔見出則銜書作瑞周文以標

靈符

帝命豎亥

郭曰豎亥健行人任臣案羅泌作豎亥吳越春秋作孺亥曰禹使大章步東西孺亥度

南北玉海云章亥所步禹契所書顧起元帝京賦測霄之圭步以豎亥王氏釋義曰此所謂帝或當為禹天豈有命豎亥步地之理又黃帝臣亦名豎亥路史黃帝使豎亥通道路非此步自東極至于西

極五億十選

郭曰選萬也任臣案楊氏補注云選與萬古音相通遂借其字

九千八

百步

任臣案淮南子云禹乃使大章步自東極至於西極二億三萬三千五百里七十五步使豎步自北

極至於南極二億三萬三千五百里七十五步豎亥右手把算左手指青邱北

任臣案楊慎云右手把算左手指青邱亦言鑄象也盧梅滄溟賦云便旋豎亥之浦謂此圖贊曰禹命豎亥青邱之北東盡泰遠西窮邠一曰禹令豎亥一曰五億十

國步履宇宙以明靈德

一曰禹令豎亥一曰五億十

萬九千八百步

郭曰詩含神霧曰天地東西二億三萬  
三千里南北二億一千五百里天地相

去一億五萬里任臣案春秋命歷序曰有神人始立  
地形既度四海遠近所至東西九十萬里南北八十一  
萬里天文錄曰天地廣南北二億三萬三千五百里七  
十五步東西短減四步呂氏春秋云四極之內東西五  
億有九萬七千里南北亦五億九萬七千里括地象曰  
八極之廣東西二億三萬三千里南北二億三萬一千  
五百里張衡靈憲經云八極之維徑二億三萬二千三  
百里南北則短減千里東西則廣增千里言人人殊由  
鳥迹人迹之曲直不同古  
今之里法步法不一也

黑齒國在其北

郭曰東夷傳曰倭國東四十餘里有裸  
國裸國東南有黑齒國船行一年可至

也異物志云西屠染齒亦以放此人任臣案呂氏春  
秋禹東至黑齒之國淮南子自東南至東北有黑齒民



又云堯立西教沃民東至黑齒木華海賦云或汎汎悠悠於黑齒之邦江淹遂古篇其外黑齒次裸民兮後漢書云自侏儒東南至黑齒國三國志云去女王四千餘里黑齒國復在其東南柳子招海賈文黑齒鬣鬣鱗丈肌木史言漢東道黑齒皆此也又屠移在海外以草染齒亦號黑齒王會篇黑齒白鹿白馬伊尹四方令云正西漆齒左思吳都賦儋耳黑齒之長管子雕題黑齒南土志黑齒蠻在永昌關南以漆漆其齒見人以此為飾寢食則去之百濟西部有黑齒氏為人黑食稻啖蛇一唐黑齒常之其種族也非此國

赤一青

郭曰一作一青蛇

在其旁一曰在豎亥北為人黑首食

稻使蛇其一蛇赤下有湯谷

郭曰谷中水熱也

湯谷上有扶桑

郭曰扶桑木也

任臣案兩幹同根相為依倚故名扶桑猶之扶荔扶竹扶筍皆取斯義神異經云東方有樹

馬高八十丈數張自輔葉長一丈廣六尺名曰扶桑椹  
長三尺五寸十洲記曰扶桑在東海之東岸一萬里碧  
海之中樹長數千丈大二千圍今南中有佛桑亦名扶  
桑非此也又案戴埴鼠璞曰離騷云飲馬咸池總轡扶  
桑東京賦登天光於扶桑謝莊月賦擅扶桑於東沼張  
衡思立賦憑雲遐逝夕宿扶桑楊炯渾天賦扶桑臨於  
大海淮南子曰日出暘谷拂於扶桑注云東方之野山  
海經曰暘谷有扶桑十日所浴如此則扶桑在汭寥之  
表及觀南齊扶桑傳沙門慧深來說云扶桑在大漢東  
二萬里土多扶桑木葉似桐初生如荀國人食之實如  
梨績其皮為布錦及紙其地乃在中國東或謂日出扶  
桑以日自東方出耳猶倭自謂日出處天子也山海經  
多誕不足為據也  
**十日所浴**  
任臣案楚辭十日代出流  
其言甚辨附記之  
金爍石唐董思恭詩滄海  
十枝暉玄圃重輪慶謂此路史餘論云天有十日居於  
暘谷次以甲乙迭運中土君有失道則兩日並闕三日

出爭以至十日並出大亂之道在黑齒北居水中有大木九日居下枝

任臣案仲長統傳一日居上枝郭曰莊周云昔者十日云九陽代燭即此並出草木焦枯淮南子

亦云堯乃令羿射十日中其九日日中烏盡死離騷所謂羿焉畢日烏焉落羽者也歸藏鄭母經云昔者羿善

射畢十日果畢之汲郡竹書曰脩甲即位居西河有妖孽十日並出明此自然之異有自來矣傳曰天有十日

日之數十此云九日居下枝一日居上枝大荒經又曰一日方至一日方出明天地雖有十日自使以次第迭

出運照而今俱見為天下妖災故羿稟堯之命洞其精誠仰天控弦而九日潛退也假令器用可以激水烈火

精威可以降霜回景然則羿之鏖明離而斃陽烏未足為難也若搜之常情則無理矣然推之以數則無往不

通達觀之客宜領其玄致歸之冥會則逸義無滯言奇不廢矣任臣案羅長源陳一中諸子以十日為扶桑

君十子九日為山號曰九嬰羿所射者謂此十日也今觀經文所載景純所注似南華鴻寶之言果不誣者理有或然存而不論圖贊曰十日並出草木焦枯羿乃控弦仰落陽鳥可謂洞感天人懸符王充論衡曰日者大火也察火在地一氣也地無十火天安得十日然則所謂十日者殆更自有他物光質如日之狀居湯谷中水時緣據扶桑禹益見之則紀十日天地之間物氣相類其實非者多海外西南有珠樹焉察之是珠然非魚中之珠也夫十日之日猶珠樹之珠也珠樹似珠非真珠十日似日非實日也淮南見山海經則虛言真人燭十日妄紀堯時十日並出且日火也湯谷水也水火相賊則十日浴於湯谷當滅敗焉火燃木扶桑木也十日處其上宜焦枯焉今浴湯谷而光不滅登扶桑而枝不焦不枯與今日出同不驗於五行故知十日非真日也

雨師妾在其北

郭曰雨師謂屏翳也任臣案雨師遁甲開山圖作宋翬又云雲師似蠶雨師

似翊雲笈七籤云雨師名馮修號曰樹德搜神記曰雨師畢星也一曰號屏一曰玄冥事物別名云雨師名陳華夫列仙傳曰赤松子神農時雨師金樓子云虞吏虎也雨師龍也雨師蓋龍伯癡龍之類楊慎補注曰雨師有妾如姮娥織女宓妃等耳焦贛易林亦云雨師娶婦要皆寓言也其為人黑兩手各操

一蛇左耳有青蛇右耳有赤蛇一曰在十日北為人黑

身人面各操一龜

玄股之國在其北

郭曰髀以下盡黑故云任臣案楚辭黑水玄趾周氏注云玄股之國是

也淮南子海外三十六國有玄股民高誘注曰玄股其股黑兩鳥夾之盧柟滄溟賦畧玄股兼離耳延雕題覽

黑其為人衣魚

郭曰以魚皮為衣

食鰕

郭曰水鳥也音憂任臣案楊慎補注曰鰕即

鷗衣魚食鷗蓋水中國也均

使兩鳥夾之一曰在雨師

妾北

毛民之國在其北為人身生毛

郭曰今去臨海郡東南二千里有毛人在大海

洲島上為人短小面體盡有毛如猪能穴居無衣服晉永嘉四年吳郡司鹽都尉戴逢在海邊得一船上有男女四人狀皆如此言語不通送詣丞相府未至道死惟有一人在上賜之婦生子出入市井漸曉人語自說其所在是毛民也大荒經云毛民食黍者是矣任臣案職方外紀南亞墨利加之南為智加人遍體生毛洞冥記云泥離國人長四尺自乳以下有靈毛自蔽又烏菴國其人三爪號三爪蠻身生長毛皆毛民類也神異經八荒之中有毛人曰髯麗異苑云吳孫皓時臨海得毛人淮南子東北方有毛民注云體半生毛若矢鏃羅泌

國名記作髦民國贊曰牢悲海鳥西子駭糜或貴穴保  
或尊裳衣物我相傾孰了是非王充論衡曰海外三十  
五國有毛民羽民毛羽之民土形所出非言為道身生毛羽也 一曰在玄股北

勞民國在其北其為人黑

郭曰食果草實也有一鳥兩頭 任臣案淮南子海外三

十六國自東南至東北方有勞民注云勞民躁擾不定  
圖贊曰陽谷之山國號黑齒雨師之妾以蛇掛耳玄人  
食驅勞或曰教民一曰在毛民北為人面目手足盡黑

東方句芒鳥身人面乘兩龍

郭曰木神也方面素服墨子曰昔秦穆公有明德上

帝使句芒賜之壽十九年

任臣案月令春月其神句

芒注云少皞之子重也左傳木正曰句芒劉安云東方  
之帝大皞其佐句芒白虎通曰芒之為言萌物始生也  
東方義取此司馬大人賦使句芒其將行兮吾欲往乎

南嬉史記正義云勾芒東方青帝之佐也劉會孟云東方青龍也故人乘兩龍然西南之神皆乘兩龍不獨東方也唐閻朝隱詩勾芒人面乘兩龍指此國贊曰有神人面身鳥素服銜帝之命錫齡秦穆皇天無親行善有福

建平元年四月丙戌

任臣案哀帝乙卯歲也

待詔太常屬臣

望

任臣案太常初名奉常景帝六年改其屬有六太六令等官望疑是丁望

校治侍中

光祿勳臣龔

任臣案侍中加官也光祿勳初為郎中令武帝太初元年更名龔王龔也

侍中奉車都尉光祿大夫臣秀

任臣案奉車都尉武帝時置秩比二

千石光祿大夫初為中大夫亦太初元年改秀劉歆也

領主省



山海經

卷之五

七

山海經廣注卷九

欽定四庫全書

山海經廣注卷十

仁和吳任臣注

海內南經

海內東南陬以西者

郭曰從南頭起之也

甌居海中

郭曰今臨海永寧縣即東甌在岐海中也音嘔任臣案劉會孟云甌今温州府城北東

至磐石村會于海洋是曰甌海王應麟王會注曰漢以東甌地立回浦縣後漢以章安縣之東甌鄉置永寧縣

章安即回浦又楊慎云郭注岐海海之岐流也猶云裨海

閩在海中

郭曰閩越即西甌今建安郡是也亦在岐海中任臣案羅泌曰郭璞以建安為西甌非

是寰宇記鬱林廢黨州經善勞縣乃古西甌居非閩也今建寧有東甌城相傳吳王濞發兵圍東甌在此然閩

中實不得謂之甌也

其西北有山一曰閩中山在海中

任臣案周禮職方氏

掌八蠻七閩之人民史記索隱曰閩東越蛇種也故字从虫何喬遠閩書曰按謂之海中者今閩中地有穿井開地多得螺蚌殼敗槎知洪荒之世其山盡在海中後人乃先後填築之也

三天子鄣山

郭曰音章

在閩西海北

郭曰今在新安歙縣東今謂之三王山浙江出

其邊也張氏土地記曰東陽永康縣南四里有石城山上  
有小石城云黃帝曾遊此即三天子都也任臣案  
今屬徽州績溪黃省曾廬山吟少讀神禹經一曰在海  
昔為天子都以匡廬為天子都黃氏之誤也

中

桂林八樹在番隅東

郭曰八樹而成林言其大也番隅今番隅縣任臣案百粵風土記

云桂林八樹山海經在番隅東番隅即桂州今粵西地最宜桂大者十圍終年蔥蒨秋風時起四遠聞香至冬枝端結子累累如小蓮子中空有漿魏禹卿西事珥曰海內南經載桂林八樹在番隅東番隅即今桂州則番隅東在何處予讀路史桂國引伊尹四方令蓋桂陽也然則八桂乃桂陽以桂林為八桂者誤茲以二書証之地理則番隅古屬南海今在粵東而二書皆以為桂州地誠所不解也又臨桂今有桂山三峰鼎峙山多桂樹丹鉛錄云桂林之山玉笋瑤簪森列無際經之所指必此然當云在番隅西而云在其東者豈亦有誤文耶高氏緯畧台州亦有八桂廣志云臨海白石山八桂所植金鷲所集似非此番隅水經注後漢書注引此皆作

賁禺又海錄碎事  
引經八樹作八桂

伯慮國

郭曰

離耳國

郭曰鑊離其耳分令下垂以為飾  
即僂耳也在朱崖海渚中不食五

穀但噉蚌及諸蕒也

任臣案林邑記云漢置九郡僂

耳與焉交廣春秋云僂耳與交州俱開南裔異物志曰

僂耳俱在朱崖分為東藩應劭曰僂耳者種大耳渠率  
自謂王者耳尤緩下肩三寸張晏曰僂耳鑊其頰皮上

連耳分為數支狀似鷄腸累耳下垂臣讚曰茂林書僂

耳去長安七千三百六十八里又廣東志周武王十有

八年僂耳入貢是僂耳之名至周始見其先固為離耳

也伊尹四方令云離耳漆齒割鳳雜俎曰離耳雕題之

俗盧枲賦云燕離耳皆指此也又其

雕題國

郭曰點涅  
其面畫體

國以黑為美故離騷亦謂之玄國

為鱗米即鮫人也任臣案伊尹四方令曰貫匈雕題  
王制曰南方曰蠻雕題交趾有不火食者矣楚辭大招

雕題黑齒得人肉以祀些梁簡文大法頌題雕臆鏤舌  
紫支黃庾子山文雕題鑿齒識海水以來王許敬宗賀  
慶雲表雕題鏤齒之類種表板屋之朋皆謂此或作雕  
跼見白虎通馬端臨曰自嶺而南當唐虞三代是百越  
之地亦謂之南越古謂之雕題王會北朐國郭曰未  
詳音劬皆  
補注云題額也刺其肌以丹青涅之

### 在鬱水南鬱水出湘陵南山一曰相慮

### 臬陽國在北朐之西

任臣案臬或作噪又作獠羽獵賦  
云蹈飛豹躍噪陽續騷經云魑魑

羣逐而索賴兮過獠陽以反居陽亦作羊吳都賦其上  
則獠子長嘯其下則臬羊麋狼淮南子云山出臬羊水  
出罔象今交廣謂之狒狒北方謂之吐蜺李賀詩嚮嚮  
題深竹吳正子注即臬羊也又作楊王氏橐朶云狒狒  
仗臬楊先導此朐西爾  
雅疏引經作北煦西  
其為人人面長唇黑身有毛反

踵見人笑亦笑左手操管

郭曰周書曰州靡鬐鬐者人身反踵自笑笑則上唇掩其

面爾雅云鬐鬐大傳曰周書成王時州靡國獻之海內經謂之贛巨人今交州南康郡深山中皆有此物也長丈許脚跟反向健走被髮好笑雌者能作汁灑人即病土俗呼為山都南康今有贛水以有此人因以名水猶大荒說地有蜮人人因號其山為蜮山亦此類也任臣案酉陽雜俎拂拂力負千斤作人言如鳥聲能知生死笑輒上吻抻額血可染緋髮可為髥飲其血可見鬼宋建武時高郡城進雌雄二頭圖贊曰拂拂怪獸被髮操竹獲人則笑唇蔽其目終亦號吮反為我殘

兕在舜葬東湘水南

任臣案釋義曰今廣西

其狀如牛蒼黑一角

任臣案爾雅兕似牛注云一角青色重千斤說文兕如野牛皮堅厚可制鎡交州記曰兕出九德有角角長三



尺餘形如  
馬鞭柄

# 蒼梧之山

任臣案劉會孟曰蒼梧今屬湖廣  
永州府寧遠縣其山九嶷相似

## 帝舜葬于

### 陽

郭曰即九疑山也禮記亦曰舜葬蒼梧之野也  
任臣案傳曰舜葬蒼梧九疑之山拾遺記曰舜葬蒼梧

有鳥如雀來蒼梧之野銜青砂珠積成壑阜名曰珠邱  
寶積記云舜葬蒼梧有鳥名馮霄能啣土成墳邱無能

返形變色登木則成禽行地則為獸呂覽云舜葬紀市  
不變其肆蓋九疑山下亦有紀邑也或云紀在河中府

皮氏又王應麟困學紀聞曰舜葬蒼梧之野薛氏云孟  
子以為卒于鳴條呂氏春秋云舜葬于紀蒼梧山在海

州界近莒之紀城鳴條亭在陳留之平邱今考九  
域志海州東海縣有蒼梧山始存其說以傳疑云  
**帝丹**

### 朱葬于陰

郭曰今丹陽復有丹朱冢也竹書亦曰后稷  
放帝朱于丹水與此義符丹朱稱帝者猶漢

山陽公死加獻帝之謚也任臣案九域志鄧今有丹  
 朱冢郡縣釋名云丹朱陵乃在相之永和鎮王在晉山  
 陵考曰丹朱冢在南陽府內鄉縣西北七里一統志亦  
 云在內鄉縣廢浙川縣西北未知孰是又丹朱稱帝猶  
 象封有鼻而稱鼻天子也上世朴畧不以此稱為嫌故  
 不帝而帝者如魁臺青陽乾荒儒帝玄囂商均皆帝稱  
 不獨一朱也郭以漢  
 獻事例之非其倫矣

汜林方三百里在狴狴東

郭曰或作狴狴字同耳

狴狴知人名

任臣

案淮南子狴狴知往而不知往其為獸如豕而人面郭曰周  
 知來乾鵠知來而不知往郭曰鄭  
 郭狴狴者狀如黃狗而人面頭如雄雞食之不昧今交  
 趾封溪出狴狴土俗人說云狀如豚而後似狗聲如小  
 兒啼也任臣案獸經云狒狒人面而善笑猩猩人面  
 而善啼水經注云葉榆有猩猩獸形若黃狗又狀狴狴

人面頭顏端正善與人言音聲麗妙如婦人好女圖贊  
曰狴狴之狀形乍如犬厥性識往為物警辨以酒招災  
自治  
在舜葬西

狴狴西北有犀牛其狀如牛而黑

郭曰犀牛似水牛猶頭在狴狴知人名之

西北犀脚三角任臣案犀牛三角一在頂上一在額上一在鼻上所謂食角也劉欣期交州記云犀出九德毛如豕蹄有甲頭似馬吳錄地理志云武陵沅陵縣以南皆有犀

夏后啓之臣曰孟涂是司神于巴人

郭曰聽其獄訟為之神主任臣案

冠編夏禹二歲命孟涂為理竹書紀年帝啓八歲使孟涂為巴莊訟路史云孟涂敬職而能理神爰封于丹水

經注引此作血涂

請訟于孟涂之所

郭曰今斷之也

其衣有血者乃執

之郭曰不直者是請生郭曰言好生也任臣案圖贊則血見于衣

此血乃見衣所請靈斷嗚呼神微居山上在丹山西丹山在丹陽南丹

陽居屬也郭曰今建平郡丹陽城秭歸縣東七里即孟涂之所理也丹山乃今巫山窳窳龍首居弱水中在狺狺知人名之

西其狀如龍首食人郭曰窳窳本蛇身人面為貳負臣所殺復化而成此物也有木

其狀如牛郭曰河圖玉版說芝草樹生或如車馬或如龍蛇之狀亦此類也引之有皮

若纓黃蛇郭曰言牽之皮剝如人冠纓及黃蛇狀也其葉如羅郭曰如綾羅也任臣案

羅木名也楊樾一名羅見爾雅其實如藥郭曰藥木名黃木赤枝青葉生雲雨山或作卵或作麻音

一名羅見爾雅

鑒任臣案藻林云樂即木蘭凡豕皆樹之又本草木  
樂子形如豌豆堪為數珠則木之名樂者不一也楊慎  
補注云樂借作九謂圓如鳥彈也抱朴子曰建木芝生  
於都廣其皮如纓其實如鸞是以建木為木芝且謂其  
實如飛鳥狀數  
其木若蔭郭曰蔭亦木名未詳  
說未知孰是臣案字彙音詎刺榆也任其

# 名曰建木

任臣案淮南子云建木在廣都張衡思玄賦  
躍建木于廣都兮撫若華而躊躇馬融廣成

頌珍林嘉樹建木叢生孫綽天台山賦建木滅景於千  
尋琪樹璀璨而垂珠江淹遂古篇建木千里烏易論兮

庾信趙將軍墓銘波分建木派流玄澗敬括建木賦廣  
都有建木焉大五千國生不知始高八千尺仰不見巔

# 在窳窳西弱水上

郭曰建木青葉紫莖黑花黃實其下  
聲無響立無影也任臣案圖贊曰

爰有建木黃實紫柯皮如蛇纓  
葉有素羅絕蔭弱水異人則過

氏人國

郭曰氏音觸抵之抵

在建木西其為人人面而魚身無足

郭曰盡胸以上人胸以下魚也

任臣案即大荒互人

國也羅泌云互人宜作氏人徐鉉稽神錄云謝仲玉者

見婦人出沒水中腰以下皆魚徂異記曰查道奉使高

麗見海沙中一婦人肘後有紅鬣問之曰人魚也職方

外紀云海中有海女上體為女人下體則魚形又禹治

洪水觀于河見白面長人魚身出曰吾河精也形狀與

此同

巴蛇食象三歲而出其骨君子服之無心腹之疾

郭曰今南

方蚺蛇吞鹿鹿已爛自絞于樹腹中骨皆穿鱗甲間出此其類也楚辭曰有蛇吞象厥大何如說者云蛇長千

尋任臣案函史物性志巴蛇長十尋備青黃赤黑色食象三歲而出其骨庾仲雍江記曰羿屠巴蛇于洞庭

其骨若陵丈心雕龍注巴邱山一名巴蛇冢是其地也  
一統志巴蛇冢在岳州府城南長沙風土記云巴蛇吞  
象空見于圖書鵬鳥似鴉但聞于詞賦左思三都賦屠  
巴蛇出象骼虞世南師子賦碎隨兕于斷齧握巴蛇于  
指掌李白詩脩蛇橫洞庭吞象臨江島柳宗元天對云  
巴蛇腹象足覲厥大三歲遺骨其脩已號吳淑蛇賦云  
或乘彼龍星或出夫象骼謂此也圖贊曰象實巨獸有  
蛇吞之越出其骨三年為期厥大何如屈生是疑羅良  
願曰說巴陵者以為巴蛇之死其骨若陵又有象骨山  
以為象暴骨之所今倭國有獸如牛名山鼠彼有大蛇  
亦吞此獸皮堅不可斫蓋巴蛇類也聞奇錄曰番禺有  
書生經出中見氣高丈餘如煙鄉人言此罔子蛇吞象  
也遂集衆振譟已而蛇退入谷中經宿鄉人各持缶甕  
往見一象尚立而肌骨已化為水咸鉞破取水云過海  
置此舟中能辟去蛟龍又南裔志蚺蛇贊蚺維大蛇既  
洪且長采色駸映其文錦章食灰貪鹿腴成養瘡寶饗

嘉食是豆是觴甯此則吞獸者不獨巴蛇也

其為蛇青黃赤黑一曰黑蛇青

首在犀牛西

旄馬其狀如馬四節有毛

郭曰穆天子傳所謂毫馬者亦有旄牛任臣案穆天子

傳注引經作髭馬事物紺珠云旄馬足可四節垂毛出南海外在巴蛇西北高山南

匈奴郭曰一曰儵狁

開題之國

郭曰音提列人之國並在西北郭曰三國

並在旄

馬西北

山海經廣注卷十



欽定四庫全書

子部

山海經廣注卷十四

詳校官侍郎臣謝墉

侍讀臣孫球覆勘

總校官知縣臣繆琪

校對官編修臣沈清藻

謄錄監生臣朱上林

欽定四庫全書

山海經廣注卷十一

仁和吳任臣注

海內西經

海內西南陬以北者

貳負之臣曰危危與貳負殺窫窳帝乃梏之疏屬之山

郭曰梏猶繫縛也古沃切任臣案文中子云疏屬之南汾水之曲即斯山也劉曾孟曰疏屬山今陝西延安府綏德縣左思賦亦猶帝之解懸而與夫梏梏疏屬也張協七命云解疏屬之拘王世貞寓言詩貳負殺窫窳

帝討羈石室棋琴銅其

桎其右足

郭曰桎械也

反縛兩手與

髮

郭曰并髮合縛之也

繫之山上木在開題西北

郭曰漢宣帝使人上郡發盤石

石室中得一人跣裸被髮反縛械一足以問羣臣莫能知劉子政按此言對之宣帝大驚於是時人爭學山海經矣論者多以謂是其尸象非真體也意者以靈怪變化論難以理測物稟異氣出于不然不可以常運推不可以近數揆矣魏時有人發故周王冢者得殉女子不死不生數日時有氣數月而能語狀如廿許人送詣京師郭太后愛養之恒在左右十餘年太后崩此女哀思哭泣一年餘而死即此類也任臣案圖贊曰漢擊盤石其中則危劉生是識羣臣莫知可謂博物山海乃奇王充論衡云董仲舒觀重常之鳥劉子政曉貳負之尸李商隱啓共工蚩尤之輩與貳負同袍王世貞類雋序貳負見表于中山三觴流蹟于洛水盧柟放招賦貳負

反縛石室園且又酬德賦綾貳負之虐械啓華表之靈  
思又詩貳負縛瞑間石室枯兩足指此也又獨異志載  
劉歆司疏屬之尸須七歲女子以乳之即變為人帝如  
其言遂能應對故博物策云取女乳而疏屬之尸可語  
辭亦誕矣宛委餘編云劉向識貳負桎梏之尸蓋僵尸  
數千年不朽者也今鄒溪水側有重人穴穴中有僵尸  
不知年載又記云人以五月  
五日生者尸不腐皆此之類

# 大澤方百里羣鳥所生及所解

郭曰百鳥於此生乳解  
之毛羽任臣案竹書

紀年王北征流沙積羽千里即此圖贊曰地號積羽在  
厥方百里羣鳥雲集鼓翅雷起穆王旋軫爰策騶耳

# 鴈門北鴈門山鴈出其間在高柳北

任臣案江淹別賦  
遼水無極鴈山參

雲吳淑鴈賦入梁州而逾塞過高柳而知門一統志鴈  
門山在代州北三十五里鴈出其間故名一名鴈門塞

今有鴈門關  
隋有鴈門縣

高柳在代北

任臣案水經注高柳在代中其山重疊巖霞舉雲高連山隱隱東出遼塞徐陵勸進元

帝表高柳生風扶桑街日庚信宿國公碑名雄高柳又趙廣碑南臨高柳楊炯孔子碑映高柳而對扶桑即斯地也

后稷之葬山水環之

郭曰在廣都之野

在氐國西

流黃酆氏之國

任臣案一本作豐

中方三百里

郭曰言國城內任臣案淮南

子流黃沃民在其北方三百里羅泌國名記云流黃辛姓在三巴之東

有塗四方

郭曰塗道任

臣案圖贊曰城國三百連河此戎動是塵昏蒸氣霧重焉得遊之以邀以縱

中有山在后稷

葬西

任臣案劉會孟云太昊初國于此

# 流沙出鍾山

任臣案流沙即鳴沙界其地人馬踐之有聲括地象曰水有懸泉之神山有鳴沙之

異王制西不盡流沙禹貢西被于流沙宋玉招魂篇西方之害流沙千里晉書曰弱水出流沙流沙與水同行也在西海郡北雅大記曰鳴沙山在河州衛城南七里一名沙角山沙如乾糠天氣清朗時沙鳴聞于城內水經流沙地在張掖居延縣東北五代史云瓜州南十里有鳴沙山冬夏殷殷有聲如雷蔡沈書傳曰河州西八十里其沙隨風而行故曰流沙方勻云西安州即唐鹽州西至流沙六日沙深細沒馬脰無水源即乾沙耳二日至西海沈括記鄜延西北有范河即淖沙也北人謂之活沙人馬履之外皆動如人行幙上其下足處甚堅若遇其一陷則人馬駝車應時皆沒或謂此即流沙也路史亦謂之神沙圖贊曰天限內外分以流沙經帶西極顏塘委蛇注於黑水永溺餘波又嶺海異聞云萬里長沙在萬里石塘東南即流沙河也疑此為流沙之下

流西行又南行崑崙之墟西南入海黑水之山

郭曰今西海居

延澤尚書所謂流沙者形如月生五日也  
慎云謂形如半月也唐詩江畔洲如月關

任臣案楊

東胡在大澤東

夷人在東胡東

貊國在漢水東北地近於燕滅之

孟鳥

郭曰亦鳥名也

在貊國東北其鳥文赤黃青東鄉

任臣案釋義云

孟鳥上無所因而獨當紀事之一意其羣聚若犬國與

海內崑崙之墟在西北

郭曰言海內者明海外復有崑崙崙山任臣案王崇慶云疑其

重出恐非有二崑崙

帝之下都崑崙之墟方八百里高萬仞

郭曰皆謂

其墟基廣輪之高庠耳自此以上二千五百餘里上有醴泉華池去嵩高五萬里蓋天地之中也見禹本紀



任臣案卞洲記云崑崙有三角正北曰閼風巔正西曰玄圃臺正東曰崑崙宮神異經曰崑崙有銅柱焉其高八天所謂天柱也圍三千里圓如削江淹遂古篇云崑崙之墟海此間分去彼宗周萬二千分

上有木

禾長五尋大五圍

郭曰木禾穀類也生黑水之阿可食見穆天子傳任臣案淮南子崑崙

其高萬一千里百一十四步三尺六寸上有木禾其修五尋李善云禾木生而王木衰而死故曰木禾抱朴子云崑崙上有木禾高四丈九尺事物紺珠云木禾二月生八月熟張衡思立賦發昔夢於木禾兮穀崑崙之高岡張景陽七命云大梁之黍瓊山之禾注云瓊山禾即崑崙木禾也竄爰子齊山賦云澹容與以連颺兮仰木禾馬是衰柳宗元詩披山窮木禾駕海踰蟠桃園贊曰崑崙之陽鴻鷺之阿爰有嘉穀號曰木禾匪植匪莪自然靈樞王圻續通考云明始興令甘應隆言其遠祖掘地得石覓發之有物數百枚長三寸餘上下膚如穀形

去膚熟之直是大米後食者皆百二三十歲嘗讀圖經  
稱崑崙有木禾食者得上壽豈其餘粒耶又飛廉草亦

名木禾食之身輕延壽與此同名異實面有九井以玉為檻郭曰檻欄任臣案淮南

子崑崙旁有九井玉橫維其西北之隅呂氏春秋云崑崙之井面有九門門有開明獸

守之百神之所在在八隅之巖郭曰在巖間也任臣案靈寶經曰五山安鎮

玄嶽高峙崑崙間風黃老為治葛洪枕中書云崑崙玄  
圃金為墉城四方千里城上安金臺五所玉樓十二瓊  
華之屋紫翠丹房七寶金玉積之連天巨獸萬尋靈香  
億千西王母九光所治羣仙無量也赤水之

際非仁羿莫能上岡之巖郭曰言非仁人及有才藝如羿者不能得登此山之岡嶺

嶢巖也羿嘗請藥西王母亦言其得道也羿一或作  
聖任臣案路史堯命羿去下地之難號仁羿楊慎

補注云古謂有才藝者為  
羿非必指有窮之君也

赤水出東南隅以行其東北西南流注南海厭火東

臣任

案郡縣釋名曰赤水衛城南有  
赤水河一名赤虺河源出芒郭

河水出東北隅以行其北西南又入渤海又出海外即

西而北入禹所導積石山

郭曰禹治水復決疏出之故  
云導河積石任臣案漢書

西域傳河有兩源一出葱嶺一出于闐于闐在南山下  
其河北流與葱嶺河合東注蒲昌海蒲昌海一名鹽澤  
即泐澤也又復潛行地下南出積石為中國河蔡沈云  
積石在金城郡河關縣又古之言河源者不一元都實  
以河出火敦腦兒明宗泐親至其地復云出赤拔必列  
山要皆崑崙之異名也爾雅注引經云河出崑崙西北

陽

洋水

郭曰音翔任臣案穆天子傳庚辰濟于洋水即斯水高誘淮南注云洋水經隴西氏道東至武都

為漢陽

黑水出西北隅以東東行又東北南入海羽民南

弱水青水出西南隅以東又北又西南過畢方鳥東

郭曰

西域傳烏弋國去長安萬五千餘里西行可百餘日至條枝國臨西海長老傳聞有弱水西王母云東夷傳亦曰長城外數千里亦有弱水皆所未見也淮南子云弱水出窮石窮石今之西郡那丹蓋其派別之源耳任臣案今溜山四面濱海小溜無慮三千舟行遇風入溜即溺土人曰此弱水三千也

崑崙南淵深三百仞

郭曰靈淵

開明獸身大類虎而九首皆

人面東嚮立崑崙上

郭曰天獸也銘曰開明為獸稟資乾精瞪視崑崙崑崙威振百靈任臣

案駢雅云虎大而長尾曰首耳長尾而五采曰騶吾九首而人面曰開明圖贊云開明天獸稟茲乾精虎身人面表此傑形瞪視崑崙威懾百靈劉基樂府曰指揮開明闕帝闕又抱朴子稱崑崙有神獸獅子辟邪天鹿焦羊之屬五城十二樓下有青龍白虎螭蛇明不獨開明也

開明西有鳳凰鸞鳥皆戴蛇踐蛇膺有赤蛇

開明北有視肉珠樹

任臣案淮南子增城九重珠樹在其西列子蓬萊之山珠玕之樹叢

生李時珍以為珠樹即琅玕樹也蓋古人謂石之美者多謂之珠廣雅稱琉璃珊瑚皆為珠是已然下文復有琅玕樹不應前後異稱且更叠見所未敢信也又案熊大古冀越集云嘗見蜃人得珠子樹數擔田藝衡日札

亦以嶺南有珠子樹又海外經有三珠樹則珠樹當自  
是一種豈即王子年所謂珍林者歟吳淑珠賦云曾城  
列樹開明廣植梁簡文南郊頌序珠樹素禽越火枝之  
地王勃九成宮頌沼分瑤水花跨珠林顧起元壯遊歌  
金芝何翩翩珠樹何扶疎張仲素晏瑤池賦翩翩三鳥  
拂珠樹以相隨楊維禎小游仙詩錦駝鳥鳴珠樹林黃  
道周詩珊瑚生海中珠樹出危嶺許景樊望仙謠三花  
珠樹春雲香本此又王充論衡云珠樹似珠非真珠也

## 文玉樹

郭曰五米玉樹任臣案王嘉拾遺記曰崑崙  
山第六層有五色玉樹蔭翳五百里夜至水上

其光如燭括地象曰崑崙墟北有玉樹淮南子云有玉  
樹在赤水之上抱朴子云崑崙有珠玉樹沙棠琅玕碧  
瑰之樹玉李玉瓜玉桃每風起珠玉之樹枝條花葉互  
相扣擊自成五音又揚雄甘泉賦翠玉樹之青葱師古  
注云玉樹集衆寶為之漢武故事云上起甲帳乙帳前  
庭種玉樹三輔黃圖云甘泉宮北有槐樹今謂玉樹紀

少瑜詩玉樹起千層曹植詩綠蘿綠玉樹庾闡詩玉樹  
標雲翠蔚梁劉七舉亦曰玉樹青蔥所說不同未知所  
指也又黃氣陽精經曰諸天人悉採珠玉之華以拂日  
月之光雲笈七籤云真人星國七百七十里玄冥星國  
八百里中有玉樹赤實金翅之所棲復云流

玕琪樹

郭

汨之池廣千里中有玉樹其說似近誕也  
玕琪赤玉屬也吳天璽元年臨海郡吏伍曜在海水際  
得石樹高二尺餘莖葉紫色詰曲傾靡有光彩即玉樹  
之類也于其兩音任臣案爾雅東方之美者有醫無  
閭之珣玕琪焉說文玕琪石之似玉者穆天子傳云重  
鎡氏之所守曰玕琪微尾駢雅曰長瓊玕琪美玉也神  
異經曰瀛洲之山有琪樹瑤草武伯奮詩琪樹年年玉  
葉新黃姬水職貢圖歲茗華玕琪王氏大和山賦瓦瓊  
玕琪盧枏賦瑤碧之草玕琪之樹圖贊曰文玉玕琪方  
以類叢翠葉猗萎丹柯玲瓏玉光爭煥彩艷火龍楊慎  
補注云玕琪即珊瑚樹未審是非也又孫綽賦琪樹璫

環而垂珠明皇歌云庭前琪樹已堪攀此蓋泛指離樹也又六朝事迹言寶林寺前有琪樹疑亦同名而異物

者不死樹

郭曰言長生也任臣案鴻烈解玉樹璇樹不死樹在崑崙西洛陽記云明光殿前長生

木樹二枝林中記云金華殿後有長生樹世謂之西王母長生樹皆不死樹也張衡思立賦登閭風之層城兮

構不死而為牀徐陵天台碑不死之草猶稱南裔長生之樹尚挺西崑謂此圖贊曰萬物暫見人生如寄不死

之樹壽蔽天地請鳳凰鸞鳥皆戴蔽郭曰音也又有離朱藥西姥烏得如羿

任臣案一名離俞

木禾栢樹甘水

郭曰即聖木郭曰食之令人醴泉也任臣

案圖贊曰醴泉睿木養靈盡性增氣曼允郭曰一曰挺之和祛神之冥何必生知然後為聖

木牙交

郭曰淮南作旋樹旋玉類也



開明東有巫彭巫抵巫陽巫履巫凡巫相郭曰皆神醫也世本曰巫

彭作醫楚辭曰帝告巫陽任臣案中天佚典巫彭問

沈淵格天之道又云帝偕巫彭造濟之陽呂氏春秋許

慎說文張季明醫說皆云巫彭初作醫盧柟放招賦云

太卜巫彭路史云黃帝命巫陽主筮蘇軾文公碑謳吟

下遣招巫陽王世貞挽歌仰問巫陽師安能為我權又

離閔云招徐吾使獄余兮巫陽据而見逮顧起元賦帝

閭狺狺在鬱蕭兮孰召歲崇與巫陽蠅蝶集云緘悲歸

來兮卜巫陽又彙苑巫陽天帝之女也主巫余寅同姓

名錄曰海內西經開明東有六巫皆神醫也大荒西經

豐沮玉門有十巫升降靈山中有兩巫彭兩巫抵疑非

一人是以疊見夾冥窳之尸皆操不死之藥以距之郭

而各處一山

為距却死

窳窳者蛇身人面貳負臣所殺也任臣案圖贊曰冥窳

氣求更生

無罪見害貳負帝命羣巫操藥夾守遂淪溺淵變為龍首

服常樹

郭曰服常木未詳沙棠琅玕在崑崙東

任臣案淮南子

其上有三

頭人伺琅玕樹

郭曰琅玕子似珠爾雅曰西北之美者有崑崙之琅玕焉莊周曰有人三頭遞

卧遞起以伺琅玕與玕琪子謂此人也子云南方有鳥名為闕天為生食闕樹名瓊枝以瑯琳

任臣案淮南

琅玕為實天又闕生離珠一人三頭遞卧遞起以伺琅玕也黃道周表大臣近而小臣親即伺鳳凰琅玕之實

稽瑞錄云人伺琅玕闕送洪範本此圖贊曰服常琅玕崑山奇樹丹實珠離綠葉碧布三頭是伺遞望遞顧拾

遺記云崑崙有瑯琳琅玕之玉荀子注崑崙山有琅玕樹琅玕蓋石似珠者可為冠冕之飾禹貢雍州厥貢惟

瑯琳琅玕張衡四愁詩美人贈我金琅玕傳玄西長安詩羽爵翠琅玕李白詩鳳凰不啄粟所食在琅玕本草

謂之青珠別錄謂之石珠或謂之石關干

開明南有樹

任臣案淮南子絳樹在崑崙南

鳥六首蛟

郭曰蛟似蛇四脚龍類也

蜺

蛇

任臣案爾雅蜺蛇博三丈首大如擘疏云江淮以南曰蜺江淮以北曰虺本草序云鱗屬卵生而蜺蛇胎

產蜺豹鳥秩樹

郭曰木名未詳

于表池樹木

郭曰言列樹以表池即華池也

誦

鳥

郭曰鳥名郭曰離也穆天子傳曰爰有白鵠青雕形未詳也 隹音竹筍之筍

隹于視肉  
高墉

山海經廣注卷十一

欽定四庫全書

山海經廣注卷十二

仁和吳任臣注

海內北經

海內西北陬以東者

蛇巫之山上有人操杯而東向立一曰龜山

郭曰杯或作梧字同

任臣案楊氏古韻曰杯梧古字通大杖也音棒打之棒作杯音者非又林茂槐字考云璞注杯或作梧乃木杖上聲也用修以杯作去聲何耶朱晦翁曰山海經諸篇記異物飛走之類多云東向或作東首皆為一定不

易之形疑本依圖畫而為之非實紀此處有此物也

西王母梯几而戴勝杖

郭曰梯謂憑也

其南有三青鳥為西王

母取食

郭曰又有三足鳥主給使

在崑崙墟北有人曰大行伯把戈

其東有大封國

郭曰昔盤瓠殺戎王高辛以美女妻之不可以訓乃浮之會稽東南海中得三

百里地封之生男為狗女為美人是為狗封之民也仕臣案劉會孟云今長沙武陵蠻是瓠犬之後游牝諸

苗考曰麻陽民土著者皆槃瓠種與苗同祖一村有石名槃瓠石民共祀焉有犵猪其先亦同姓

貳負

之尸在大行伯東

犬封國曰犬戎國

郭曰黃帝之後十明生白犬二頭自相牝牡遂為此國

狀如犬

郭曰言狗國也任臣案淮南子狗國在其東事物紺珠云狗國人身狗首長毛不衣語若嗥其妻皆人能漢

語穴居

有一女子方跪進杯食

郭曰與狗食也

有文馬縞身朱

鬣

郭曰色白如縞

任臣案李賀馬詩鬣焦朱色落謂此

目若黃金名曰吉量

郭曰

一作乘之壽千歲

郭曰周書曰犬戎文馬赤鬣白身目若黃金名曰吉黃之乘成王時獻之

六韜曰文身朱鬣眼若黃金項若鷄尾名曰雞斯之乘大傳曰駮身朱鬣雞目山海經亦有吉黃之乘壽千歲

者惟名有不同說有小錯其實一物耳今博舉之以廣異聞也任臣案公羊註疏文王得白馬朱鬣大貝元

龜禮斗威儀云白馬朱鬣瑞於文王王應麟王會注云吉黃之乘周文王時西土獻之書大傳散宜生之犬戎

氏取美馬駮身朱鬣雞目者取九六馬瑞應圖云騰黃神馬一名吉光說文馬赤鬣縞身目若黃金名曰媽字

栗作馱淮南子云澤馬曰吉良博物志曰丈馬赤鬣身  
白名古黃之乘又五音集韻引經云犬封國有丈馬編  
身朱鬣名曰古驥藝文類聚引經云犬封之國有丈馬  
編身朱鬣名曰吉彊稱名各別是古本之殊也圖贊曰  
金精朱鬣龍行駿時拾節鴻驚  
塵不及起是謂吉皇釋聖牖里

鬼國在貳負之尸北為物人面而一目一曰貳負神在

其東為物人面蛇身

任臣案論衡北方有鬼國玄覽云  
毗舍那有鳥語鬼形之民楊氏裔

乘云鬼國在馱馬國西或曰易稱伐鬼方即此也利瑪  
竇與圖志云鬼國之人嗽鹿與蛇耳目鼻與人同惟口  
在頂上此與經說全異常別為一種耳又劉會孟曰羅  
施鬼國今貴州然貴竹地屬西南其說未是談薈云鬼  
國人面蛇身而  
一目蓋謂此

蚰犬

郭曰音陶或作蚰音鈎

如犬青食人從首始

任臣案談薈云蚰犬如犬齒狗

如菟盧柵崑崙山人賦誇畢方使先驅兮走蚰犬之信信又放招賦蚰犬信信從首是食且本此也王氏釋義曰凡獸相食視朔望為準朔以後食首望以後食下體此食人從首其尤異者與

窮奇狀如虎有翼

郭曰毛如蜎任臣案呂氏春秋鴈門北饕餮窮奇之地太平御覽北方

有獸狀如虎有翼名窮奇即此又窮奇渾敦檣杌饕餮是為四凶取此義也盧柵滄溟賦邀余於泰皇之坂以觀乎窮奇之民食人從首始所食被髮在蚰犬北一曰從足

帝堯臺帝嚳臺帝丹朱臺帝舜臺各二臺臺四方在崑

崙東北

郭曰此蓋天子巡狩所經過夷狄慕聖人恩德輒共為築立臺觀以標顯其遺跡也一本云所



殺相柳地腥臊不可種五穀以為衆帝之臺任臣案  
九域志翼之唐陽有堯臺郡國志云信都堂陽古臺二  
並號堯臺城塚記云堯臺二所羅泌餘論曰海內北經  
有帝堯臺帝嚳臺帝舜臺之類非一夫帝王之冢曰陵  
亦謂之臺傳言禹殺相柳其血腥不可以植乃以為衆  
帝之臺故帝嚳曰頓邱臺堯丹冢曰靈臺鄴有魏文武  
甄后三陵臺張賓進所謂三臺險固者也顧起元說畧  
曰古聖久於其位赴格之日殊方異域無不為位而墳  
土以致其哀敬顯嘗堯湯之陵臺皆傳  
數出漢遼郡國皆起國廟亦若是也

大蠱其狀如螽朱蛾其狀如蛾

郭曰蛾虬蟬也楚辭曰  
玄蜂如壺赤蛾如象謂

此也任臣案爾雅土蜂即馬蜂也荆楚間呼為螻方  
言曰蜂大有蜜謂之壺蜂嶺表錄異曰唐劉恂見大蜂  
結房山林間大如巨鐘彭儼五侯鯖云大蜂出崑崙長  
一丈其毒殺象杜陽雜編曰唐德宗時吳明國貢碧蜜

蜂聲如鸞鳳大者重十餘斤蜜色翠碧亦斯類也蛾蟻通五行記後魏時兗州有赤蟻與黑蟻鬪長六七步廣四寸玄覽云潮州有盈尺之蟻則離騷所謂如象非寓言矣吳淑蟻賦云處欄鈴之石出崑崙之墟本此圖贊曰蛇巫之山有人操杯尾神蚺犬主為妖災大蜂朱蛾羣帝之臺

螭其為人虎文脰有脊

郭曰言脚有膊腸也音橋

在窮奇東一曰狀

如人崑崙虛北所有

郭曰此同上物事也

闕非人面而獸身青色

郭曰音榻任臣案伊尹四方令云正西鬼親枳已闕耳闕非

疑即闕耳

據比

郭曰一云據比

之尸其為人折頸被髮無一手

任臣案盧傳賦劈巷

澹而摺據比又云問據比之尸指此也  
謾舊云據比之尸其人無一手

環狗其為人獸首人身一曰蝟狀如狗黃色

任臣案五代史云牛

蹄國之北有狗國人身狗首長毛不衣手搏猛獸語為犬嗥意即此也盧柟泰宇賦云檻黃狗而踐蠱園又伊尹四方令曰南有崑崙狗國易林云穿胃狗邦僵離旁春計其道里似別為一種

袂其為物人身黑首從目

郭曰袂即眦也任臣案從縱通言其目縱生也古人亦

有縱目者蜀侯蠶叢其目縱死作石棺石椁俗以為縱目人冢見華陽國志

戎其為人人首三角

任臣案圖贊曰人面獸身是謂闕非被髮折頸據比之尸戎三其角

林豎其眉

林氏國

任臣案雜錄碧芬出林氏國乃騶虞與豹交而生大如犬毛可為裘即此國也又汲冢書林氏

上衡氏爭權林氏再戰勿勝上衡氏偽義勿克俱身死國亡亦斯國也國名記云林氏國出騶虞與葛鼠近

有珍獸大若虎五彩畢具尾長于身名曰騶吾

任臣案字學指

南引經作騶吾賈氏周禮疏引經作鄒吾

乘之日行千里

郭曰紂囚文王閼天之徒詣林氏國

求得此獸獻之紂大悅乃釋之周書曰夾林首耳若虎尾參於身食虎豹大傳謂之任獸吾亦作虞也任臣

案陸佃埤雅云騶虞尾參于身白虎黑文西方之獸也王者有至信之德則應不踐生草食自然之內中興微

祥說曰天下太平則騶虞見毛萇詩傳云騶虞白虎黑文不食生物孫柔之瑞應圖云王者不暴及行葦則見

括地象曰令嘗野中有玉虎晨鳴雷聲聖人感應之期司馬相如賦圓騶虞之珍羣又曰殷殷之獸樂我君圓

白質黑章其儀可喜曹丕典引云擾縹文皓質于郊獸  
經云騶虞義獸說文系傳曰騶虞林氏國之珍獸也張  
衡東京賦園林氏之騶虞徐氏審修賦云駕林氏之騶  
吾謂此也圖贊曰怪獸五彩尾參于身矯足千里條忽  
若神是謂騶虞詩歎其仁劉會孟曰五色爛然為婆羅  
花五色畢具為騶虞獸皆稟五行之精者唐太和元年  
有白虎入重峰觀即騶虞也又永樂二年周王攻釣州  
獲騶虞宣德四年滁州來安石固山獲二騶虞獻之朝  
羣臣皆賦咏之夏原吉賦序云貌目虎身白質  
黑章修尾逾目不食生不踐草與埤雅所載同  
崑崙虛

南所有汜林方三百里

任臣案事物紺珠曰西北海  
林浮生廣三百里隨波上下虛

相賦云蹇將遊  
乎林指此

從極之淵

任臣案路史注作縱  
極水經注作中極

深三百仞維水夷恒都

焉郭曰冰夷馮夷也淮南云馮夷得道以潛大川即河伯也穆天子傳所謂河伯無夷者竹書作馮夷字或

作水也任臣案太公金匱河伯名馮循太公伏陰謀云名馮修又河圖曰姓呂名夷鴻烈解云一名馮遲名

號不同彼此各異聖賢記曰馮夷服八石得水仙江淹賦云冰夷倚浪以傲睨即此也

乘兩龍郭曰畫四面各乘靈車駕二龍任臣案括地圖曰馮夷恒乘雲車駕二龍鴻烈解云馮夷大

丙之御也乘雲車入雲蜺酉陽雜俎云冰夷人面魚身圖贊曰稟華之精練食八石乘龍隱淪往來海若是謂

水仙號曰河伯又曰水土水鱗潛映洞川一曰忠極之赤松是服靈蜺乘煙吐納六極升降九天

淵陽汙之山河出其中郭曰皆河之枝源所出之處也任臣案陽汙即陽紆水經注

河水又出于陽紆凌門之山而注于馮逸之山穆天子傳天子西征至陽紆之山河伯馮夷之所都居是惟河

宗氏淮南曰禹治洪水具禱陽紆蓋于此也括地象云河又出于陽紆陵門之山路史禹紀身解脞之河注云陽紆也

王子夜之尸兩首兩股胸首齒皆斷異處

郭曰此蓋形解而神連貌

乖而氣合合不為密離不為疎任臣案西京雜記因埤國有解形之民頭飛南海左手飛東海右手飛西澤至墓頭還肩又占城國有飛頭婦韓翁國有飛骸獸亦然圖贊曰子夜之尸體分成七離不為疎合不為密苟以神御形歸於一

舜妻登比氏生宵明燭光

郭曰即二女字也以能光照因名云任臣案漂粟手續

曰娥皇夜寢夢昇于天無日而明光芒射目覺乃燭也于是嬖生二女名曰宵明燭光以二女為娥皇所出疑

非是初學記云舜妹有數手舜女處河大澤郭曰澤河邊溢漫處有宵明燭光並未有封邑之號

## 二女之靈能照此所方百里

郭曰言二女神光所燭及者方百里任臣案淮南

子宵明燭光在河洲所照方千里路史云舜次妃癸比氏生二女曰宵明曰燭光處河大澤靈照百里是為湘之神顧起元說畧曰大澤者洞庭之謂而光照者威靈之所暨也迄今湘神所寶靈正百里然則湘祠為虞帝之二女復何疑耶圖贊曰水有佳人宵明燭光流耀河湄稟此奇祥維舜二女別處一方江淹遂古篇帝之二女游湘沅兮宵明燭光何焜煌兮又清思詩帝女在河洲晦映西海側又效阮體詩宵明輝西極女圭映東海謝靈運緩歌蛾皇發湘浦宵明出河洲溫子昇常山公主碑令淑之至比光明於宵燭蘇頲涼國公主碑我則有祥宵明燭光張說鄖國公主碑一名登北氏任臣案舜有宵燭動百里之光耀本此也



多作癸比姓纂又作癸比舜之第三妃也冠編云禹封癸比氏之出于巴陵蛙螢子又云癸比氏從子封巴陵生二女是謂湘神楚辭所稱湘夫人者指宵明燭光也說畧曰湘陰黃陵為癸比之墓而臨桂縣城北十餘里有雙女冢特舜女也程良孺云舜三妃亦名少區

蓋國在鉅燕南倭北倭屬燕

郭曰倭國在帶方東大海內以女為主其俗露紵衣

服無針功以丹朱塗身不妒忌一男子數十婦也任臣案鄭燕都邑畧東沃沮在蓋馬大山之東注云蓋馬縣名疑即蓋國又路史云登北國在鉅燕之南倭之北屬燕似二國同一地也

朝鮮在列陽東海北山南列陽屬燕

郭曰朝鮮今樂浪縣箕子所封也列

亦水名也今在帶方帶方有列口縣任臣案名山藏曰朝鮮近日本日之所出朝景鮮明也世法錄云朝鮮

直遼東南以日東出鮮潤故名陳士元譯語音義曰國有汕水汕鮮同音因名朝鮮黃洪憲輔軒錄云堯戊辰歲有神降太伯山檀木下朝鮮人君之謂之檀君此朝鮮立國之始鄭樵通志畧曰朝鮮都王險漢樂浪郡茅氏象胥錄曰檀君箕子並都王壤史稱衛滿都王險王險亦平壤也劉會孟云朝鮮地分八道又名三韓楊一葵裔乘云朝鮮至今凡三四易姓國贊曰箕子避商自竄朝鮮善者所在豈有隱顯

# 列姑射在海河洲中

郭曰山名也山有神人河洲在海中河水所經者莊子所謂藐姑射

之山也任臣案東山經有北姑射南姑射二山皆在中國此則藐姑射蓋遠在海中者

# 姑射國在海中屬列姑射西南山環之大蟹在海中

郭曰

蓋千里之蟹也任臣案王會篇海陽大蟹注海水之陽一蟹盈車此云千里則更異已嶺南異志云昔有海

商海中行遇沙渚林木茂甚乃維舟登岸燮于水傍半炊而林沒詳視之大蟹也玄中記云北海之蟹舉一螯能加於山身故在水亦此類也

# 陵魚人面手足魚身在海中

任臣案屈子天問云鮫魚何所柳宗元天對云鮫魚

人面過列姑射嶺海異聞曰人魚長四尺許體髮牝牡人也惟背有短鬣微紅注云西海陵魚即此又呂氏春秋大解陵魚大人之居多無君亦謂斯也圖贊曰姑射之山實栖神人大蟹千里亦有陵鱗曠哉溟海含怪藏珍鄧元錫物性志近列姑射山有鮫魚人面人手魚身見則風濤起柳子招海賈文註曰山海經鮫魚有刺如三角皆與經文異似誤

# 大鯪居海中

郭曰鯪即魴也音鯪任臣案爾雅魴鯪注云東江呼魴為鯪一名鯪音魴

明組邑居海中

郭曰音組任臣案楊氏補注云爾雅

即此也邑猶言聚也蓋綸為青苔紫菜之屬組乃海中昆布陳藏器云昆布葉如手大似薄葦紫赤色李時珍曰昆布生登萊者槎如繩索之狀出閩浙者大葉似菜又吳普本草云綸布一名昆布是更以昆布為綸也所說不同如此孫綽望海賦華組依波而錦披翠綸扇風而繡舉

蓬萊山在海中

郭曰上有仙人宮室皆以金玉為之鳥獸盡白望之如雲在渤海中也任臣

案列子渤海之東其中有山一曰岱輿二曰員嶠三曰方壺四曰瀛洲五曰蓬萊玄中記云東南之大者有巨鰲以背負蓬萊山十洲記云蓬萊山週迴五千里外別負海之溟海無風而洪波百丈有九氣丈人九天真君宮則蓬萊固在海之中也又云蓬邱即蓬萊山拾遺記曰亦名防邱亦名雲來高二萬里廣七萬里王氏釋義

曰今登州海中有大小竹山及田橫諸島且其屬邑曰蓬萊即此也圖贊曰蓬萊之山玉碧構林金臺雲館皓哉獸禽實維靈府玉主甘心

# 大人之市在海中

任臣案楊慎補注云今登州海市也登州四面皆海春夏時遙見水面有

城郭市肆人馬往來若交易狀土人謂之海市

## 山海經廣注卷十二

欽定四庫全書

山海經廣注卷十三

仁和吳任臣注

海內東經

海內東北瓠以南者

鉅燕在東北瓠

國在流沙中者埵端

郭曰音敦

璽喚

郭曰音喚或作繭喚任臣案抱朴子有璽產

之國疑即此也又字義總畧作璽喚

在崑崙墟東南一曰海內之郡不為

郡縣在流沙中

任臣案王氏釋義曰不為郡縣猶今所謂無為州

國在流沙外者大夏

郭曰大夏國城方二三百里分為數十國地和溫宜五穀任臣案

伊尹四方令曰正北大夏淮南子云空同大夏管子云桓公西伐大夏涉流沙王會篇大夏茲白牛注西北國

也史記大夏在大宛西南二千餘里豎沙居繇郭曰音遙任臣案魏畧

國屬月支之國郭曰月支國多好馬美果有大尾羊如繇國驢尾即羴羊也小月支天竺國皆附庸

云任臣案支亦作氏關駟十三州志西平張掖之間大月氏之別小月氏之國內典云薄佉羅即月支也鄭

曉吾學編云赤斤蒙古古月氏地圖贊曰豎沙居繇埵端璽喚沙漠之鄉絕地之館或羈于秦或賓于漢劉會

孟云此博望所通所謂城郭諸國

西胡白玉山在大夏東

任臣案赤水西亦有白玉山非此

蒼梧在白玉

山西南皆在流沙西崑崙墟東南崑崙山在西胡西皆

在西北

郭曰地里志崑崙山在臨羌西又有西王母祠也任臣案王崇慶曰崑崙墟以其餘地而言

崑崙山方指  
本山而言

雷澤中有雷神龍身而人頭鼓其腹在吳西

郭曰今城陽有堯冢

靈臺雷澤在北也河圖曰大迹在雷澤華胥履之而生伏羲任臣案雷澤在濟陽城陽縣西北禹貢作雷夏

周禮作廬維鄭玄作雷雍昔舜漁于雷澤即此地金氏曰今濮州雷澤縣西北雷夏陂東西二十里南北十五里盖古雷澤也淮南子云雷澤有神龍身人頭鼓其腹而熙奚囊橘柚云軒轅遊于陰浦有物焉龍身而人頭



鼓腹而遨遊問于常伯常伯曰此雷神也有道則見又李肇國史補云雷秋日伏蟄狀如蜺月令廣義云雷公形猪首手足各兩指執一赤蛇嚙之且雷書載雷礮雷環雷楔諸物甚詳据此則雷神果有形之物矣

都州在海中一曰郁州

郭曰今在東海朐縣界世傳此山自蒼梧徙南徙來上皆有南

方物也郁音鬱任臣案郡縣釋名曰郁州即臨朐之朐山也一名覆釜山後漢志東海郡有朐縣注實齊之駢邑隨之逢山又案一統志云朐山東北海中有大洲謂之鬱洲又名郁州一名郁鬱山一名蒼梧山或言昔徙蒼梧飛來然則郁州近朐山東北非即朐山也圖贊曰南極之山越處東海不行而至不動而改維神所運物無常在

琅瑯臺

任臣案一本作瑯

在渤海間瑯瑯之東

郭曰今瑯瑯在海邊有山嶠嶠

特起狀如高臺此即瑯琊臺也瑯琊者越王勾踐入霸  
中國之所都任臣案括地志密州諸城縣東南有瑯  
邪臺越王勾踐觀臺也越絕曰勾踐徙琅邪起觀臺臺  
周七里以望東海水經注琅邪臺在城東南十里郡國  
十道記云瑯琊臺上有始皇碑碑上有六百字可識又  
云臺上有神泉人或汲之立竭齊乘曰秦始皇廿八年  
南登琅邪大樂之留三月徙黔首三萬戶于臺下漢于  
此置琅邪縣武帝亦嘗登焉今山下井邑遺迹猶存登  
山石道如故土人名曰御路謝其北有山一曰在海間  
眺詩東限瑯琊臺西距孟諸陸

韓鴈在海中都州南

任臣案釋義曰疑即今之遼東

始鵠在海中轅厲南

郭曰國名或曰鳥名也任臣案釋義曰據文會理上通書列國豈

至此獨以一鳥參乎以國為近是圖贊曰韓鴈始鵠  
在海之州雷澤之神鼓腹優游瑯琊礁峽邀若雲樓

會稽山在大楚南岷三江首

大江出汶山

郭曰今江出汶山郡升遷縣岷山東南經蜀郡犍為至江陽東北經巴東建平宜都

南郡江夏弋陽

安豐至廬江南界東北經淮南下邳至廣陵郡入海任臣案明末時江陰人徐弘祖出關至

崑崙山歸作溯江紀源一書言禹貢岷山導江特汎濫中國之始按其發源河自崑崙之北江亦自崑崙之南其龍脉與金沙江相並南下環滇池以達五嶺江之所以大于河也其說亦足補前人之未及矣

出曼山南江出高山高山在城都西入海在長州南

浙江出三天子都在其東

郭曰按地理志浙江出新安縣縣南蠻中東入海今錢塘

浙江是黠即歙也浙音折任臣案浙江之名前此未有實始于山海經浙江出三天子都水經漸江出三天

子都漸江即浙江也吳越春秋越王至浙江之上望見  
大越山川重秀天地再清史記云水至會稽山陰為浙  
江又云秦始皇至越唐臨浙江盧肇曰浙者折也蓋取  
其潮出海屈折而倒流也一名羅刹江亦名浙河莊子  
所謂浙河之水有吞天沃日之勢謝康樂云浙河之外  
棲遲山澤是也郭子章郡縣釋名云又名曲江七發曰  
將以八月之望觀濤于廣陵之曲江曲迺折之謂也然  
南齊書言南兗州刺史每以秋月出海陵觀濤則曲江  
自在廣陵非浙江明矣又一統志引經云三天子山在  
率東率山今在休寧縣俗名張公山何喬遠輿地記云  
休寧縣山曰率山水曰率水山海經浙江在閩西北入  
出三都山在率東蓋此山也今本無此文

海餘暨南

郭曰餘暨縣屬會稽今為永興縣任臣案今之蕭山

廬江出三天子都入江彭澤西

郭曰彭澤今彭蠡也在尋陽彭澤縣任臣案

水經廬江水出三天子都一曰天子鄣任臣案汪循率北過彭澤縣西北入于海山記曰或以績之大鄣山為山海經所稱三天子都非也水經漸江出三天子都在率東廬江出三天子都入彭蠡今維率山之水山陰山陽一東一西而流入于江者與古昭合嘗遊率山見巨石上鐫三天子都字筆畫摹索可驗其處有仙人跨澗石清風嶺獨枕山近三天子石有圓土岡東西有擗鼓尖振衣岡中擁小石岡竊謂兩巨中小以小為尊此即三天子都也又錢氏黃山記載新安吳時憲曰黃山有最高峯曰三天子都東西南北皆有鄣婺有三天子鄣南都也匡廬亦稱天子鄣西鄣也績溪有大鄣東北鄣也天都為天子都率山匡廬大鄣為天子都之鄣其說似為允云

淮水出餘山餘山在朝陽東義鄉西入海淮浦北郭曰今淮

水出義陽平氏縣桐栢山山東北經汝南汝陰淮南譙國下邳至廣陵縣入海朝陽縣今屬新野任臣案水

經淮水出南陽平氏縣胎簪山東北過桐栢山禹獲水怪無支祈在此地見古岳瀆經

湘水出舜葬東南阨西環之

郭曰環繞也今湘水出零陵營道縣陽湖山入江

任臣案水經湘水出零陵始安縣陽海山注云即陽朔山也尚書日記云湘江出靜江府興安縣陽山東北名

鐸嘴東北至入洞庭下

郭曰洞庭地穴也在長沙巴陵潭州入洞庭今吳縣南太湖中有巴山下有

洞庭穴道潛行水底云無所不通號為地脉任臣案劉會孟曰南潏之國有洞穴陰源其下通地脉同此唐

張說洞庭詩地穴穿東武江流下西蜀梁四公記曰洞庭穴有四支一通洞庭湖西岸一通蜀道青衣浦北岸

一通羅浮兩山間大谿一通枯桑島東唐述異記云洞庭山有穴五門東通林屋西達峨眉南接羅浮北連岱

嶽楊慎補注曰河圖絳象注云太湖洞庭山林屋洞天即禹藏真文之所一名包山吳王闔閭命龍威丈人入包山得書一卷九一百七十四字湘水所入蓋楚洞庭也或云與包山通一曰東南西澤

漢水出鮒魚之山

郭曰書曰嶧冢導漾東流為漢按水經漢水出武都沮縣東狼谷經漢中

魏興至南鄉東經襄陽至江夏安陸縣入江別為沔水又為滄浪之水任臣案劉會孟云今嘉定州犍為縣

漢成帝得石磬十六枚于水濱乃此也帝顓頊葬于陽九嬪葬于陰案一

統志鮒魚山在開州舊頊丘縣西北二十里顓頊葬其陽一名廣陽山今滑縣有顓頊陵是其地也郡國志云顓頊所葬俗名青冢山皇覽冢墓記云在濮陽縣頊邱門外廣陽里中崔鴻前趙錄曰顓頊葬廣陽下不及塗十道志云鮒魚即廣陽山之別名也計其道里與漢水絕不相蒙當在傳疑又寰宇記顓頊廟臨河東九里九

域志順安高陽縣有顓頊陵顏真卿吳地記云烏程有顓頊陵是顏之誤也鮒魚或作鮒隅謝眺宋后哀冊文  
陋蒼梧之不從兮遵鮒隅以四蛇衛之  
同壤又路史作務隅之陽郭曰言有四蛇  
臣案羅苹曰上郡石穿貳負乃見漢陽索出支祈始聞  
四蛇衛之何足深怪昔漢下姬與臨江王之葬皆有燕  
數千銜土投壙  
中亦此類也

濛水出漢陽西入江

郭曰漢陽縣屬朱提臣案峩眉山有濛水即大

渡水也水發濛漢東南流與潏水合潏陽水經注引此作潏陽

溫水出崆峒山在臨汾南入河華陽北

郭曰今溫水在京兆陰盤縣水

常溫也臨汾縣屬平陽任臣案一統志溫水谷在寶雞縣東南四十里渭水之南郭氏所指者此也與經似



不相應又牂柯亦有溫水岷山亦有溫水非此

潁水出少室少室山在雍氏南入淮西鄆北

郭曰今潁水出河南

陽城縣乾山東南經潁水汝陰至淮南下蔡入淮鄆今鄆陵縣屬潁川任臣案一統志潁水源出河南府登

封縣潁谷地里志云出陽乾山東經鄭州至襄城縣為潁河又東經臨潁縣西合沙河入淮臨潁志云潁水俗

名褚河宋史河梁志亦隨俗一曰緱氏郭曰縣屬河南目為褚河而潁水之名遂湮任臣案

劉會孟云今河南登封縣禹避陽城即此也

汝水出天息山在梁勉鄉西南入淮極西北

郭曰今汝水出南陽

魯陽縣大孟山東北至河南梁縣東南經襄城潁川汝南至汝陰襄信縣入淮淮極地名任臣案劉會孟云

今出河南汝寧府由上蔡西平汝陽入淮玄覽云汝出  
燕泉是謂八流之一水經注云地理志言出高陵山即  
猛山也亦言出南陽魯陽縣之大孟山又言出弘農一  
盧氏縣還歸山博物志曰汝出燕泉山皆異名也

曰淮在期思北

郭曰期思縣屬弋陽

涇水出長城北山山在郿郿長垣北

郭曰皆縣名北入也郿音桎

渭戲北

郭曰今涇水出安定朝那縣西筭頭山東南經新平扶風至京兆高陵縣入渭戲地名今新豐

縣也

任臣案劉會孟云涇

水今陝西西安府涇陽縣

渭水出鳥鼠同穴山東注河入華陰北

郭曰鳥鼠同穴山今在隴西首

陽縣渭水出其東經南安天水畧陽  
扶風始平京兆弘農華陰縣入河

白水出蜀而東南注江

郭曰色微白濁今在梓潼白水縣源從臨洮之西西傾山來經

沓中東流通陰平至漢壽縣入潛任臣案段國沙州記洮水與墊江水俱出嶺臺山墊江水即白水嶺臺則

西傾之異名也楊慎云即入江州城下郭曰江州水經所謂天池白水者是

沅水出象郡鐔城西郭曰象郡今日南也鐔城縣今屬武陵音尋任臣案尚書日記楚

中九江五曰沅江出沅州西蠻界中至辰州與酉江合又初出為旁溝水至鐔城為沅水楚辭云沅有芷兮澧

有蘭指此水也又秦置郡縣始有日入東注江入下雋南象郡之名此故後人增益無疑

西郭曰下雋縣今屬合洞庭中郭曰水經曰沅水牂牁且蘭縣又東北至鐔城

縣為沅水又東過臨沅縣南又東至長沙下雋縣

贛水出聶都東山

郭曰今贛水出南康南野縣西北音感任臣案郭紹孔正誤曰瀨轉音

感水名出豫章以章水貢水合而名贛水也說文从目  
贛省聲豫章人稱紺盖一字二音耳一統志曰贛水在

吉安府東章貢二水至贛縣北合為贛江下流一百  
里凡二十四灘廣輿記聶都山在南安府崇義縣東

北注江入彭澤西泗水出吳東北而南西南過湖陵西

而東南注東海入淮陰北

郭曰今泗水出魯國下縣西南至高平胡陸縣東南經沛

國彭城下邳至臨淮下相縣入淮任臣案水經注云  
水出卞縣故城東南桃墟西北金氏曰泗水縣桃墟西

北陪尾山泗水所出又贛水泗水  
絕不相蒙古本連文疑有錯簡

鬱水出象郡而西南注南海入須陵東南

任臣案一統志鬱江在海

州城南源出交趾界經邕州至此合黔江又應劭云鬱水出廣信東入海酈氏云言始則可終則非矣不足据也

肄水出臨晉西南

郭曰音如肄習之肄

而東南注海入番禺西

郭曰

番禺屬南海越之城下也任臣案即漆水也水經漆水出桂陽臨武縣南繞城西北屈東流或作肆水酈氏引經曰肆水出臨武西南注于海入番禺西

潢水出桂陽西北山東南注肄水入敦浦西

任臣案水經注引經

作湟水徐廣曰湟水一名涯水出桂陽通四會亦曰灌水也漢元鼎元年路博德為伏波將軍征南越出桂陽下湟水即此水矣水經又謂之桂水

洛水出洛水山東北注河入成臯之西

郭曰書云道經洛水

洛水今出上洛冢嶺山東北經弘農至河南鞏縣入河成臯縣亦屬河南也

汾水出上窳北

郭曰音愈

而西南注河入皮氏南

郭曰今汾水出太原

晉陽故汾縣東南經晉陽西南經西河平陽至河東汾陰入河皮氏縣屬平陽任臣案禹貢既修太原至于岳陽蔡注云修太原者所以導汾水之源修岳陽者所以導汾水之流則汾水在禹時故出太原也

沁水出井陘山東南注河入懷東南

郭曰懷縣屬河內河內北有井

陘山任臣案劉鳳雜俎云沁水春秋之少水也郡縣釋名曰沁河源出沁源縣有二一自縣西北綿山東谷

南流一自縣東北馬圈溝南流俱至交口村合流入黃河王氏通漕類編曰沁水出山西沁源縣綿山東谷今

由太行山麓至河南原  
武縣黑陽山與河汴合

濟水出共山南東丘

郭曰共與恭同

絕鉅鹿澤

郭曰絕猶截渡也鉅鹿今在高

平注渤海入齊琅槐東北

郭曰今濟水自滎陽卷縣東經陳留至潛陰北東北至高

平東北經濟南至樂安博昌縣入海今碣石也諸水所出又與水經違錯以為凡山川或有同名而異實或同實而異名或一實而數名似是而非似非而是且歷代久遠古今變易語有楚夏名號不同未得詳也

任臣

案濟水出王屋山至河南濟源縣二源合流其水或伏或見東出于陶丘北又東北會于汶今濟河在汶上縣北一名大清河

潦水

任臣案即遼水

出衛臯東

郭曰出塞外衛臯山玄菟高句驪縣有潦山小潦水所出西河

注大遼  
音僚

東南注渤海入遼陽

郭曰遼陽縣屬遼東臣案水經注遼水亦言出

任

砭石山自海外東流又東北入廣成縣東注白狼水魏氏土地記曰白狼水下入遼也王鑑禹貢考云遼水源出

塞外白平山

庫沘水出晉陽城南而西至陽曲北而東注渤海

海郭曰經河間樂城東北注渤海也晉陽陽曲縣皆屬太原入越章武北

郭曰章武郡名任

臣案劉會孟云水自真定府城南來自鴈門經靈壽平山晉州衡水武邑

漳水出山陽東東注渤海入章武南

郭曰新城汴陰縣亦有漳水任臣

案蔡氏書傳漳水有二一出上黨沾縣大陂谷名清漳一出上黨長子縣鹿谷山名濁漳二漳異源而下流相

合圖贊曰川瀆交錯渙濶流帶通胡潤下經營華外殊出同歸混夷東會



建平元年四月丙戌待詔太常屬臣望校治侍中  
光祿勳臣龔侍中奉車都尉光祿大夫臣秀領主  
省

山海經廣注卷十三

欽定四庫全書

山海經廣注卷十四

仁和吳任臣注

大荒東經

李商隱寄盧司空詩盡入大荒經即謂此也

東海之外大壑

郭曰詩含神霧曰東注無底之谷謂此壑也離騷曰降望大壑任臣案列子

渤海之東不知幾億萬里有大壑實惟無底之谷莊子  
諄芒東之大壑遇苑風于東海景純江賦淙大壑與沃  
焦指此也圖贊曰寫溢洞穴暎昏龍燭爰有大壑號為  
無底梁簡文大壑賦云渤海之東不知幾億大壑在焉  
其深少昊之國郭曰少昊金天氏帝摯之號也任臣  
無極案少昊青陽氏已姓名質其父曰清黃

帝第五子方僕氏之生也又曰金天氏少昊孺帝顓頊亦名摯郟子曰我祖少昊摯之立是已

於此郭曰孺義未詳任臣案楊棄其琴瑟郭曰言其慎補注曰孺謂長育之也

瑟也任臣案路史顓頊取鄒屠氏八夢而生八子一曰蒼野即孺帝也顓頊崩而元子立襲高陽氏是為孺

帝陳一中曰孺帝高陽氏元子駱明其出為帝後秉其琴瑟者用其禮樂也秉訛為棄是豕亥之誤吳淑琴賦

云孺帝棄之大壑謂此也又冠編顓頊三十載帝元子孺產駱明居天穆之陽續文獻通考云顓頊長子孺帝

之後有孺氏是孺有甘山者甘水出焉生甘淵郭曰冰帝為人名斷已

淵也任臣案即義和浴日之所

大荒東南隅有山名皮母地丘

東海之外大荒之中有山名曰大言日月所出

任臣案楊氏補

注云山海經紀日月之出者七日月所入五日月所出  
入一其紀日月之出也曰大言山曰合虛山曰明星山  
曰鞠陵山曰湯谷扶木曰倚天蘇門山曰壑明俊疾山  
皆在大荒東經其紀日月之入曰豐沮玉門山曰日月  
山天樞也曰鑿鑿鉅山曰常陽山曰大荒曰皆在大荒  
西經曰浴日一在大荒南經之甘淵曰浴月一在大荒  
西經之玄丹山其紀日月所入一在大荒西經之方  
山柜格之松焉考之淮南子日所出入又多不同存而  
論不有波谷山者有大人之國  
郭曰晉永嘉二年有鷺鳥  
集于始安縣南廿里之鷺  
陂中民周虎張得之木矢貫之鐵鏃其長六尺有半以  
箭計之其射者人身應長一丈五六尺也又平州別駕  
高會語云倭國人嘗行遭風吹度大海外見一國人皆  
長丈餘形狀似胡蓋是長翟別種箭殆將從此國來也

外傳曰焦僥人長三尺短之至也長者不過十丈數之極也按河圖玉版曰從崑崙以北九萬里得龍伯國人長三十丈生萬八千歲而死從崑崙以東得大秦人長十丈皆衣帛從此以東十萬里得能人國長三十丈五尺從此以東十萬里得中秦國人長一丈穀梁傳曰長翟身橫九畝載其頭着見于軾即長數丈人也秦時大人見臨洮身長五丈腳跡六尺準斯以言則此大人之長短未可得限度也任臣案職方外紀曰智加國人民長一丈許遍體皆毛洞冥記云支提國人長三丈二尺嶺海異聞云河池州近山地有人長二丈面橫三尺背有雙肉翅駢雅曰西南荒有人長丈名曰先通天竺車隣之國男女皆長丈八尺雲笈七籤云東方銘呵羅提之國人長二丈南方銘伊沙陁之國人長二丈四尺依立世經云鬱單越人長三十二肘通考云長人國在新羅之東其人長三丈鋸牙駒爪黑毛覆身混元真錄長引國人長四十尺劉杳云毗騫國王其長數丈博物志

日東北極人長九尺華陽國志始皇時有長人二十五丈見宕渠東方類語云東方有人長七丈名黃父又名尺郭事物紺珠云金犀長五丈在西方日官外金山拾遺記曰宛渠之民其國人長十丈又楚大招曰長人千仞維魂是索些涼州異物志有夫人在丁零北偃卧于野其高如山頭脚成谷橫身塞川長萬餘里神異經云西北海有人焉長二千里名曰無路腹圍二千六百里日飲天酒五斗東南隅大荒中有林父焉其高千里腹圍百輔一曰朴父皆大人類也語亦誕矣

有大人之市名曰大人之堂

郭曰亦山名形狀如堂室耳大人時集會其上作市

肆也有一大人跋其上張其兩耳

郭曰跋或作俊古蹲字莊子曰跋于會稽也

有小人國名靖人

郭曰詩含神霧曰東北極有人長九寸殆謂此小人也或作靖音同任

臣案列子云東北極有人名曰諍人長九寸淮南子云南人有諍人長九寸即靖人也王鑿短解云有國干海之西者曰龍伯東曰諍人駢雅曰諍人巨靈短小人也博物志云東方有螳螂沃焦防風氏長三丈短人處九寸柳宗元詩諍人長九寸皆此也輟畊錄正田時見人腊長六寸許意即靖人也留青日札曰嘉靖三十四年衡商胡秀攜一小人至長可一尺眉目鬚髮畢具乃男子也云至海東洋泊岸時忽得此此即諍人國人又靖人或作淨身圖贊曰焦僥極麼靖有神人面獸身名曰犁人唯小四體具足鬚眉才了

**魍之尸** 郭曰魍音靈任臣案古靈字或从巫或从玉或从鬼或从弼通鑑循蜚紀云黎靈氏其沒也尸在東荒久而不壞路史云東荒經有黎靈之尸犁靈氏之尸也冠編曰犁靈氏精凝魄定尸以不壞犁靈古帝名盧柵滄溟賦筏枉矢而轆犁魄謂此又篇海作靈注云人面獸身

有滙山楊水出焉

郭曰音如謫詐之謫

有為國黍食

郭曰言此國中惟有黍穀也為音口偽反任臣案國名記有為國注云東周大夫

子國食邑非此使四鳥虎豹熊羆

大荒之中有山名曰合虛日月所出

任臣案王崇慶曰山名合虛正類後

世所謂子虛烏有耳不然日月有幾既于大言乃又于合虛出乎王言誠辯非經指也

有中容之

國帝俊生中容

郭曰俊亦舜字假借音也任臣案路史云中容之國舜之所生或云即諸馮

穆天子傳有容氏國或是呂覽云指姑之東中容之國即此崔希裕畧古云古文俊舜同音故帝舜作帝俊說文先訓云古文舜上从庶下从土即英俊字故山海經舜作俊也中容人食獸木實

郭曰



此國中有赤木玄木其使四鳥豹虎熊羆  
華實美見呂氏春秋

有東口之山有君子之國其人衣冠帶劍郭曰亦使虎豹好謙讓也

有司幽之國帝俊生晏龍任臣案晏龍事虞為納言是主琴瑟封于龍王符曰優姓

盧枏滄溟賦清晏龍生司幽司幽生思士不妻思女不

夫郭曰言其人直思感而氣通無配合而生子此莊生所謂白鵠相視眸子不運而感風化之類也任臣

案路史晏龍生司幽是為司幽之國有龍氏一曰思幽  
列子云思幽之國思士不妻而感思女不夫而孕是也

翰墨書云思男之國不夫思女之國不婦而亦自能生  
生博物志曰思士不妻而感思女不夫而孕后稷生乎

巨跡伊尹生乎空桑李時珍人德論曰孤陽不生獨陰  
不長常理也而有思士不妻思女不夫之異王氏釋義

云不妻不夫亦恐言其失配合云爾食黍食獸是使四鳥任臣案凡言使者言鳥獸聽其

馴有大阿之山者大荒中有山名曰明星日月所出

有白民之國帝俊生帝鴻任臣案經稱帝俊或為帝嚳或為黃帝或為帝舜疑有錯

簡路史後紀引經云帝律生帝鴻律黃帝之字也與本文異帝鴻生白民白民銷姓

任臣案冠編帝初為南岳時娶州山氏女曰女虔生季格及白民降居于東是為白民之祖銷姓賜姓也國名

記云白民銷姓國博物志云今之白州又談薈云飲一升醉三年始醒者白民國之玉屑酒也疑即此國黍

食使四鳥虎豹熊羆郭曰又有乘黃獸乘之以致壽考也

有青丘之國有狐九尾郭曰太平則有柔僕民是維羸出而為瑞也

土之國

郭曰羸猶沃衍也音盈

任臣案羸一作羸土音杜路史高辛紀云柔僕羸土亦帝之裔未也

又國名記高辛氏後有柔僕國一曰羸土之國

有黑齒之國

郭曰齒如漆也

帝俊生黑

齒

郭曰聖人神化無方故其後世所降育多有殊類異狀之人諸言生者多謂其苗裔未必是親所產

任臣案國名記曰黑齒姜姓帝俊生其中楊慎曰凡言生者未必為其親產尚書舜別生分類生之為言姓也蓋賜之姓而別其種類相傳既久後世自謂舜帝之苗裔如今雲南木邦孟養之人云天皇我兄元魏誇天嗣自謂天女所

姜姓忝食使四鳥有夏州之國有盖余之國

有神人八首人面虎身十尾名曰天吳

郭曰水伯任臣案駢雅曰天

吳馬銜海中神也初學記水神曰天吳大波之神曰陽侯濤之神曰靈胥柳宗元招海賈文天吳八首兮更笑

迭怒盧柵滄溟賦云天吳咄歎馮遲颺  
躡放招賦云天吳八首壺鬣血斷且

大荒之中有山名曰鞠陵于天

郭曰音菊任臣案盧柵滄溟賦云帶以鞠陵

之阻浸以東極離瞽郭曰三山名

日月所出名曰折丹

郭曰東方曰折郭曰單

來風曰俊

郭曰未詳來風所在也任臣案夏小正

云時有俊風俊風春月之風也春令主東方意或取此

處東極以出入風

郭曰言此人能

節宣風氣東海之渚中

郭曰有神人面鳥身珥兩黃蛇

郭曰以踐兩黃蛇名曰禺彊黃帝生禺彊

任臣案黃帝紀嫫母生蒼

林禺陽即禺彊禺彊生禺京

郭曰即禺彊也任臣案宛委餘編作彊子偶京續

通考亦作偶京禹京處北海禹魑處東海是惟海神郭曰言分治一海而

為神也魑一本作號任臣案楊慎補注曰號即魑說文云夔神魑也黃帝以夔皮鞀鼓聲聞五百里因刻夔形為鼓簎故穆天子傳有黃蛇翼鼓之文

有招搖山融水出焉有國曰玄股郭曰自髀以下如漆食黍使四

鳥有困民國勾姓而食有人曰王亥兩手操鳥方食其

頭王亥託于有易河伯僕牛郭曰河伯僕牛皆人姓名託寄也見汲郡竹書任

臣案有易河伯皆夏諸侯河伯至殷猶存或以為治河之官龜藏云昔者河伯筮與洛戰而枚卜昆吾占之不吉有易殺王亥取僕牛郭曰竹書曰殷王子亥賓于有易而淫焉有易之君綿臣殺而

放之是故殷主甲微假師于河伯以伐有易滅之遂殺其君綿臣也任臣案殷侯子亥事在夏帝泄十二歲

河念有易有易潛出為國於獸方食之名曰搖民郭曰

言有

易本與河伯友善上甲微殷之賢王假師以義伐罪故河伯不得不助滅之暨而哀念有易使得潛化而出化

為搖民國任臣案筆叢云經文附會王亥有易事非竹書有此文後世莫能覺其偽然胡氏之言亦非實錄

帝舜生戲戲生搖民任臣案舜當為謦國名記云搖民帝謦子國即搖民也又路史叔戲

生搖民搖民居越生女且為搖氏漢海陽侯搖無餘世以為越後未悉爾楊慎補注曰今廣西有搖民豈此類

耶叔戲即叔獻八海內有兩人郭曰此乃有名曰女元之一高辛氏嗣也易所化者也

丑郭曰即女丑之尸言其變化無常也然則一以涉化丑津而遯神域者亦無往而不之觸感而寄迹矣范蠡

之倫亦聞其風者也任臣案抱朴子釋女丑有大蟹  
滯篇女仞倚枯貳負抱柱女仞即女丑也女丑有大蟹  
郭曰廣千里也任臣案玄覽云海陽有專車之蟹女  
丑有千里之蟹異魚圖贊曰女丑大蟹其廣千里海  
陽專車曷云其比楊慎補注云天文有巨蟹宮蓋應此  
也又海中有飛蟹善苑國有百足蟹長九尺四螯皆異  
種也附記之

大荒之中有山名曰孽搖顙孰上有扶木柱三百里其

葉如芥

郭曰柱猶起高也葉如芥菜類曰扶桑一名浮桑生碧海高數千丈大一十

任臣案合璧事

餘園兩幹同根更相依倚謝華啓秀曰扶桑若薺鬱島  
若萍又南史外國傳言扶桑葉似桐初生如筍其實如  
梨而赤績其皮為布亦為錦與此異有谷曰溫源谷郭曰溫源即湯谷也  
任臣案溫泉詩華

清宮記湯泉志諸所稱驪山尉氏駱谷汝水黃山佛迹匡廬閩中溫泉數十餘處未能悉載此則扶桑之湯谷

也湯谷上有扶木

郭曰扶桑在上任臣案天問云出自湯谷次于濛汜淮南云日出于暘

谷即湯谷也吳都賦經扶桑之中林邑湯谷之滂沛注云湯音陽陶潛讀山海經詩逍遙蕪臯上杳然望扶木洪河百萬尋森散覆暘谷靈人侍丹池一朝朝為日浴神景一登天何幽不見燭一日方至一日

方出

郭曰言交會相代也任臣案淮南子曰日登于扶桑括地象曰扶桑日所陳吳泉月所登楚辭曰

照吾檻兮扶桑注言其光自扶桑來也皆載于鳥郭曰中有三足鳥任臣案春秋元命苞曰陽

數起于一成于三故日中有三足鳥靈憲論曰日者陽精之宗積而成鳥象鳥而有三趾黃帝占書日中三足鳥見者有白衣會物類相感志凡日無光則日鳥不見日鳥不見則飛鳥隱竄易林曰三足孤鳥靈明為御梁



簡文大法頌序云陰有神人面犬耳獸身珥兩青蛇名兔兩重陽鳥三足

曰奢比尸有五彩之鳥相鄉棄沙郭曰未聞沙義惟帝俊下友

郭曰亦帝下兩壇彩鳥是司郭曰言山下有舜二壇五彩鳥主之任臣案沙莎

通鳥羽婆莎也相鄉棄沙言五彩之鳥相對歛羽猶云仰伏而秣羽也惟帝俊下友言五彩鳥實司帝壇如帝

下馴撫之也此古文倒貫語也

大荒之中有山名曰猗天蘇門任臣案盧枏滄溟賦觀乎猗天之闕謂此山也

日月所生有堯民之國郭曰音如有綦山郭曰音忌又有搖

山有騶山郭曰音如又有門戶山又有盛山又有待山

有五彩之鳥

東荒之中有山名曰壑明俊疾日月所出有中容之國

東北海外又有三青馬三騅

郭曰馬蒼白雜毛為騅

甘華爰有遺

玉三青鳥三騅視肉

郭曰聚肉有眼

甘華甘祖百穀所在

郭曰言自

生也

有女和月母之國有人名曰鳧

郭曰音婉案篇海引經作鳧

任臣北方

曰鳧來之風曰狹

郭曰言亦有兩名也音剡

是處東極隅以止日月

使無相間出沒司其短長

郭曰言鳧主察日月出入不令得相無間錯知景之長短

任臣案詞林海錯曰有人名曰鳧亦曰狹處東極隅以止日月馮氏山齋雜錄曰蘇利邪日神也曰鳧曰狹二人處東極隅以止日月使無相間

大荒東北隅中有山名曰凶犁土丘應龍處南極郭曰

龍有翼者也任臣案玉堂叢語景陵常閱畫見飛龍有翼者遣問三楊輩不能具對陳繼時在下列出應曰龍有翅而飛曰應龍又虬龍千年謂之應龍述異記亦云龍千年為應龍酉陽雜俎曰應龍生建鳥建鳥生麒麟麒麟生庶獸淮南云女媧乘雷車服應龍又黃海曰黃帝工師名蒼龍將名應龍嶽瀆經曰堯九年巫支祈為孽應龍驅之淮陽龜山足下其後水平禹乃放應龍于東海之區楚辭云應龍何畫河海何厯漢周憬碑應龍之畫謂此班固賓戲云泥蟠而天飛者應龍之神也晉華譚書枯澤非應龍之淵棘林非鸞鳳之窟吳絜亦

續云應龍以屈伸為神鳳皇以嘉鳴為貴十六國春秋  
應龍以屈伸為靈聖人以知機為貴唐上官儀勸封禪  
表銷伏螯而綴上玄剪應龍而清下瀆常衮表云莫測  
應龍之外潛復跋烏之次應从平聲讀見文選註又古  
樂苑有應龍篇又徐陵上庸路碑河出應殺蚩尤與夸  
龍乃私周易此特龍馬假用之詞非此

父郭曰蚩尤作兵者任臣案史注云不得復上應龍  
黃帝使應龍殺蚩尤于凶梨之谷

遂住故下數旱郭曰上無復旱而為應龍之狀乃得大  
地

雨郭曰今之土龍本此氣應自然冥感非人所能為也  
任臣案張衡應問云女魃北而應龍翔李密移郡

縣檄雕虎嘯而谷風生應龍驤而景雲起朱子楚辭注  
引經云禹治水而有應龍以尾畫地即水泉通流與本

文異

東海中有流波山入海七千里其上有獸狀如牛蒼身

而無角一足出入水則必風雨其光如日月其聲如雷

其名曰夔

任臣案薛綜東京賦注夔如龍有角鱗甲光如日月博物志云夔形如鼓而知禮玄覽云


山之精名曰夔狀如鼓一足而行以名呼之可使取虎豹說文先訓曰夔如龍一足象有角手人面之形諸所稱說名同實異非此也六帖曰夔一足跼蹐而行孟康曰夔似牛一足無角其音如雷事物紺珠曰靈夔生東海似牛蒼身一足無角出入必有風雨即斯獸耳黃帝得之以其皮為鼓橛以

雷獸之骨

郭曰雷獸即雷神也人面龍身鼓其腹者橛猶擊也任臣案陳暘樂書有夔鼓唐柶鼓

有靈夔吼之曲皆本此而作黃帝祠額解云雷獸之骨以橛夔鼓麟書云徒橛雷骨夔鼓張勢盧柶賦突以凌

雲之臺建以靈夔之鼓謂此也十寶搜神記云楊道和田中值霹靂下擊道和以鉏格其肱墜地不得去色如丹目如鏡毛角長三尺餘狀如六畜頭如獼猴李肇國史補曰雷州春夏多雷秋日則伏地中其狀如羆人多取食之此聲聞五百里以威天下任臣案黃省魯讀山為雷獸也海經詩弗鬱流波山流波浮東海黃帝得蒼夔為鼓樂千載振振威四方煥然生風采蓋指此云



山海經廣注卷十四